



古文書考者集

利

^ 16
2560
3



有集卷五

漸江趙一徵字遠

全訂



武林王甫白艸堂評選

漸江潘胡耀閣基

岡州區瑞圖洛川重校

擬答呂相絕秦書

咸十三年左傳

宋濂

昔我嬴秦實長西戎。獻公不我鄙夷。以伯姬歸我穆公。穆公不
敢忘。獻公薨。國內不靖。羣公子出奔。穆公懼大國社稷之隕。會
齊人納惠公于晉。惠公許以河外列城五。東盡號畧。南及華山
內。及解梁。城言猶在耳。乃創背之。會晉薦饑。來乞糶於我。諸大

門八 16
2560
3

夫惡惠公二三其德也。欲乘饑伐之。穆公則曰。其君是惡其民。何異於是乎。輸粟於晉。自雍及絳。相繼不絕。未幾秦亦饑。穆公又曰。晉君其能恤我民矣乎。遣使之晉。惠公弗念。穆公之施絕。而弗與。穆公不得已。有韓原之師。相從惠公。而西。雖然。豈敢以。至。即改館饋七牢焉。使歸於國。及晉再饑。穆公又餼之。粟。惠公。薨。懷公遣師軍於廬柳。威靈所加。孰不畏之。我穆公忘已之弱。使公子繫如晉。師天誘其衷。退軍於郇。文公遂入曲沃。朝於武宮。呂卻畏。福將焚公宮。以圖不軌。穆公知之。乃潛會文公於王城。誘而歸。文公即位。來逆夫人嬴氏。穆公以晉國大臣未附。

俾三子。衛之以歸。微我穆公。惠文之能有國。未可知也。則是我有大勳於晉。豈惟諸侯知之。皇天后土。實與聞焉。文公當不忘我舊德。戮力同心。以輔王室。子帶之亂。天王出居於鄭。使左。馮父來告難。亦使簡師。父以告於晉。我穆公左執鞭弭。右屬櫜。韃親帥師。屯於河上。以遲文公。文公恐我分其績也。乃辭我師。而下納王於成周。殺太叔於隰城。而獨受陽樊。温。原。攢。茅之田。我穆公不敢言。文公自是信宣於諸侯。虞夏商周之裔。莫不震。叠。相。率。而。朝。於。晉。非。為。秦。也。文公又以諸侯方睦。欲修舊怨。於。鄭。穆公畏文公之威。不能自寧。急出師軍。汜。南。鄭伯恐。使燭之。

武來言曰君嘗爲晉君賜矣許君焦瑕朝濟而夕設版焉若之
所知也夫晉何厭之有既東封鄭又欲肆其西封若不闕秦將
焉取之穆公聞其言而懼結盟而還文公薨襄公卽位穆公有
事於鄭未嘗以一矢犯晉疆場襄公薨棄我穆公以墨衰卽戎
敗我於穀殄殲卒我徒係累我三帥我穆公亦不惟晉之怨乃
自悔過誓告於羣臣然猶願徼靈於惠文以事我襄公襄公不
察我之誠又帥宋陳鄭三國之師取汪及彭衙國中之人怒曰
晉不報德則已乃日事干戈是欲滕薛我也將悉敝賦以待於
郊亦冀其人遣一介行李之來修復舊好襄公唯此是恃又伐

我圍祁新城襄公薨穆公亦卽世晉人以國家多難欲立長君
使先蔑士會如秦逆公子雍我康公惟穆公之事是做多帥徒
衛以納之晉人遽食前言而立靈公又敗我於合狐自時厥後
又取我少梁又戰我於河曲康公薨共公卽位靈公亦悔於厥
心欲求成於我又不明言以侵崇急我我共公惡其詭道弗敢
與成靈公薨景公卽位景公不務撫綏秦民又迫我於輔氏景
公薨君嗣厥位寡人謂二三大夫曰我兩國匪以玉帛相見而
以與戎寡人之恥也盍行成乎君亦降心相從會於合狐而盟
於海之東西口血未乾又使魏錡乞師於魯欲以伐我且以蔓

辭以交致我罪寡人聞之困獸猶鬪況國乎君既有意督過矣
寡人亦何愛一國士卒不與君周旋左右乎君若惠顧前好惟
命孤之盟是申是尋亦惟命鍛乃戈矛備乃弓矢俾兩君相見
於野亦惟命寡人敢帥西方之諸侯俯伏以聽惟執事其進退
之

清魏水林
亦擬此書
見經世鈔

晉使魏錡絕秦書詞意詳嚴句法變換即左傳中不多觀今
景瀛擬答古雅層折亦如之洵良史手筆

辨范宣子復鄭子產輕幣書

蘇伯衡

范宣子為政諸侯之幣重鄭人病之子產寓書于子西以告宣
子宣子說乃輕幣復書于子產曰四鄰諸侯以敝邑之為盟主
也朝以修好幣以將誠無時無之寡君嘗命其寡大夫曰我聞
澗溪沼沚之毛薺蘩蘊藻之菜筐筥錡釜之器潢汗行潦之水
可以為羞今列國來朝供奉玉帛以為廷寔將焉用之寡人其
辭諸寡大夫對曰非玉帛之是利惟禮之是供國之大禮惟朝
與聘凡朝聘有珪璋有璋有好貨有陪鼎有贈賂是之謂禮禮之
設久矣誰敢廢之盟主將範諸侯以禮者也若欲無煩諸侯而

幣之不用是廢先王之典禮也可乎寡君用其寡大夫之言惟
 務行禮是以受之而不辭也不然敝邑於諸侯之幣受且不欲
 矧欲重乎蕭魚之會執事盡其土實重之以宗器以悅於我吾
 子所知也當是時也諸侯之屬辱在敝邑者見之曰晉鄭兄弟
 之邦也今鄭之服事晉猶不敢不恭而加幣焉況我異姓之邦
 其誰敢愛犧牲玉帛而不以申禮於晉於是乎幣莫不有加焉
 自是以來幣之重也庸有之矣然則加幣以為禮則執事之是
 啓若乃幣加而寡君弗止焉實匄之不敏不能補察規諫以至
 此也匄敢不伏其辜今吾子不此之罪匄以為敝邑賴之而重

之以沒諸侯其無乃未之思乎敝邑雖褊小公賦不必盡索惟
 足樂割晉原狐續慶伯國邑之賦以供伯事庫嘗有餘實也抑
 諸侯之幣幾何而曰賴焉其誰信之昔我先君悼公施舍出積
 以為民也國無滯積亦無困人公無禁利亦無貪民至於今不
 替則敝邑之於民也生之而不浚有自來矣民猶弗之浚而況
 諸侯乎凡我同盟匹也而敢有浚心恤其匱乏通其有無無敢
 不力若曰浚之又誰浚哉或者君其奇慝時作庶民罷敝土地
 所生不足供事以異日之加幣也悔於厥心其從初也則懼以
 為討其不從初也則懼無以給請之又憚煩也乃籍匄以為口

實乎。夫主齊盟者將惟禮是講。豈其愛幣禮以幣行。亦以幣成。成禮足矣。豈在重乎。雖君之務省。商亦敝。邑之所喜也。禮苟無。廢幣初之從寡君之始願也。敢有責備。我知享而已。周書有之。享多儀儀不及物。曰不享。寡君之於諸侯。識其享亦識其不享。不享必棄信。棄信必背盟。背盟必怒鄰。怒鄰將不免。以一矢加遺。雖欲贖幣相周旋也。其蔑之能矣。從初幣之非禮之腆也。不猶愈於不享乎。執事其圖之。

子產以非無賄之患而無令名之難。告宣子。責其浚民壞國。而宣子納誨。旋改亦賢大夫矣。何無書以復之也。寧恐來布。款青門之誚耶。蘇子代為洗其心迹。亦可稱善於辭命。

補范少伯辭越王書

宋濂

臣聞知定不辱知止不殆占之明戒也臣雖不佞竊嘗從事斯
 道敢自其私於下執事惟君王加察焉臣本南陽一布衣自謂
 衰賤未嘗世祿故飲食則甘天下之無味居則安天下之賤位
 被髮佯狂不與於世而君王待之過禮寘諸羣臣之列臣日夜
 心計之一介狂士而上辱君王之知如此當盡瘁以事國即以
 國事無所建白設有不幸誓伏劍結纓以報稱萬一言雖不出
 諸口上帝鬼神實鑒臨之夫椒之役夫差介其人民之衆以殘
 伐吾邦夷吾宗廟邦為空棘君王以餘兵五千保棲會稽下守

溟海。惟魚鱉是見。困亦甚矣。夫差不道。復追而圍之。大夫種。膝行頓首。請成。夫差聽。申胥譏。毅然不許。君王恚甚。至欲殺。妻子燔寶器。觸戰以死。臣時在左右。憂懼不知所爲。亦屢思克踐前志。所以未忍。卽死者。將有所圖也。幸賴先王之靈。夫差悔過。卷飾而旋。君王旣反國。臣亦得效犬馬奔走。與大夫柘稽爲質於吳。夫差畏君王之威。不敢久留。臣遣之東歸。君王因與臣及大夫種謀。以復仇爲事。食不殺而饜。衣赆純素。不約不立。內飭其政。外事諸侯。如是者二十餘年。始發習流二千。教士四萬人。若子六十人。諸御千人。有事於吳。及其平而還。後四年。復往伐。而

敗之於圍。又敗之於郊。又敗之於津。如是三戰。遂圍之。棲六差姑胥之山。夫差使王孫駱肉袒膝行。請成。君王弗之許。乃被五勝之衣。帶步光之劍。仗屈盧之矛。曠日大言。以執之。夫差懼太息。四顧引劍而死。君王乃北渡淮。與齊魯諸侯會於徐州。致貢於周。周元王使人致胙。命爲伯。當是時。越兵橫行江淮。東諸侯畢賀。初。君王之在會稽。其辱爲已甚。臣豈不知上憂則臣勞。主辱則臣死。其不能卽死者。爲此事也。藉君王之威武。一

之道也。功成名遂，身退明哲之事也。持祿固位，知進而不知退，危亡之道也。昔晉大夫祁奚為中軍尉，請老而歸，身名俱全。人以為知分。申侯有寵於楚鄭之君，楚鄭之君惟其言之是聽，非不可者卒致首領，不保為天下萬世笑，何也不能退也。況臣起自布衣，幸得侍衛左右，何功於越，而稱上將軍，大名之下難以久居。昔戀執寵榮，而沉溺不返，不有人禍，必有天殃。君王幸察臣知止知足之志，賜臣骸骨，得乘扁舟出三江，入五湖，去耕東海之濱，則志願畢矣。惟君王留意焉。

少伯辭越王書，史記所錄寥寥數言。在吳越春秋所載少詳，亦不然。未有如是之明暢周匝也。不可無此補作。

設扶蘇自訟書

柯維騏

秦始皇崩沙邱李斯趙高矯詔立胡亥詐為始皇書賈上郡數
 長子扶蘇及將軍蒙恬罪誦賜死扶蘇不敢復請乃為絕命書
 以獻曰臣聞勇者不避禍仁者不撓節況國聽於君家聽於親
 死生惟命誰能逃之臣以不肖干陛下重怒安抗必行之命所
 必不可得之因哉屬鏐在前扶蘇豈敢愛其死然事之本末不
 容不自明也臣少讀易至無妄災邑之辭嘗疑其事如今信其
 真有耳嗟乎嗟乎臣何辜而罹此禍耶夫父子之愛不可解於
 心者也自非反德悖道之人孰不欲其親全令名而身共享安

寧之慶哉。是故過而幾諫勞而無怨。此聖哲之懿訓。生人之通道也。臣雖愚闇。竊聞斯義久矣。天人非堯舜孰能無過。陛下信在之臣。如李斯輩。皆持祿容身。莫敢匡諫。臣爲長嗣。休戚同之。關弓射人。或談笑而道。或涕泣而道。何則。親踈之情異也。嚮者焚籍之後。縱有坑儒之慘。臣惟國家初定。遠方黔首。未集而諸儒誦法孔子。皆繩以罪。恐失天下心。用是略陳衷悃。干冒威嚴。不圖拂意見。疏監兵上郡。自離。臻下於今三年。瞻戀闕廷。儼若咫尺。切慮陛下輕萬乘之尊。違九重之晏。巡遊天下。西祀東封。從復之臣。率以祈延壽命爲辭。殊不知川途險巇。竄伺隙。億日繫民怨。胥作臣豈忍默而不言。坐令變起蕭牆。而荆棘生於朝也。臣亦揣往事。取憎強聒。何補。第念先公穆公。悔過自誓。卒能顯名諸侯。延休後嗣。臣豈忍絕望於陛下哉。嗚呼。詎意竟以此獲罪耶。詔書云。臣與蒙恬將兵屯邊。士卒多耗。無尺寸之功。乃反。數上書誹謗。以不得罷歸爲太子。日夜怨望。嗚呼。其亦弗諒之甚矣。陛下混一字。內匈奴。遠遁邊境。晏然。臣等憑藉威靈。又何功之可樹。若撫綏士卒。將軍任耳。臣受命監兵。何乃吹毛而求疵也。且夫懷晏安而厭險阻。覬寵幸而嫌踈遠者。常人之情也。履險阻而不辭。處踈遠而不忘。納君於善者。臣子之義。

也。臣輸忠行孝，不蒙省察，而槩以常情律之。昔人云：欲加之罪，何患無詞。臣誠有死而已。夫復何言。嗚呼！古今以諫獲罪，如比干剖心，子胥湛身，詹曰戚屬耳，猶曰羈臣耳。父兮生我，何若是忍也。若乃衛宣於伋，實由瀆倫；晉獻於申生，實由嬖寵。陛下無二者之溺，而甘心焉。此臣之所未喻也。豈滅默者假誹謗之名，以售譏歟。陰謀者倡怨望之說，以傾奪歟。夫投杼之誤，曾參不免。臣賢不逮古人，而讒者特衆。陛下惡得而無猜也。陛下試思之，而詳察之，倘有讒人交亂其間，幸投之豺虎肆之市朝，以雪臣冤，更冀收臣骸骨埋之鄗山之足，庶幾陛下百歲後，魂魄相依。生雖棄捐，死得密邇，無所恨矣。神迷氣短，不知所云。遂自殺。胡亥得書，喜以示斯。高曰：夫固已疑之，幸矣哉！其不復請也。扶蘇賜死，竟無一言，豈不毅然忠孝人哉。柯子設為自訟，其亦史魚尸諫之意也。庸何傷。

擬趙高答李斯書

李夢陽

秦二世使中車府令高按丞相斯獄治罪李斯乃從獄中上書
 陳七事趙高使吏棄去不奏曰囚也安得上書乃顧詐為二世
 答書遺斯曰覽丞相事辭甚愍朕竊怪忘其大而撥乎細拾毫
 瑣之行而捐夫赫赫者朕蓋惑焉先王幸哀憐黔首立詩書仁
 義之教所以惠來世甚厚丞相固誦習其說已乃立議盡焚之
 夫詩書何惡於丞相哉諸生之坑咸陽也朕自有識知聞此事
 未嘗不腐心而切齒者丞相縱不與謀獨不能強諫耶朕既與
 丞相訣何敢卒諱沙邱之事出自朕本心與否丞相所明也大

行喪未發輒擅廢立又矯吾親屬及大臣荼毒之朕口雖不言於心獨無恥乎一詔一令無不自丞相手出丞相爲朕則得矣如先王何如天下何往以私議干丞相丞相乃曰堯禹以身徇天下是奚足法法之是以天下爲桎梏者也丞相不欲朕爲堯禹則欲爲桀紂耶夫讒賊不可與共國阿比不足以存君丞相侍始皇帝始皇帝聽惑左右窮兵黷武殫天下之財勤事四夷外內騷動丞相弗止也既戡六王丞相不以此時強諫接甲息戈振百姓之急乃言治馳道興遊觀以見主之得意勦爲已有抑末矣且而數事孰與丞相所自陳丞相何愛瑣瑣之迹而輕天赫赫者也夫關地顯主循尺寸取功名者將之事也鎮國家調燮陰陽輯和其民人使人人親其主上以顯序大業相之職也且丞相將耶相耶丞相治民三十餘年於茲矣始皇帝背羣臣未久關東盜賊大起殺長吏攻陷城邑列幟而鬪揭竿而兵者至不可勝數使者冠蓋相望於道其咎安在丞相子由三川守與賊通按驗且有狀君其告諸廷尉李斯覽書涕泣良久仰天喟然歎曰嗟乎斯之死固晚矣遂服罪論具五刑腰斬咸陽市

崆峒擬趙高代二世以責斯斯之爲相固無辭於腰斬只是

太為二世立地步耳。然此亦作文借風使帆之法。

擬項羽遺韓信書

沈長卿

項羽聞龍且死。大懼。遺淮陰侯韓信書曰。將軍棄楚歸漢。視樂毅之捐燕歸趙。何如哉。毅與燕惠王有隙。不得已而去。將軍與寡人無間言。寡人之側。有人為將軍先容。如蕭何者。必不令將軍掉臂至此。雖然。漢王豈真知將軍者哉。將軍為漢破趙下齊。亦既報其解推矣。必欲忍然於故主之誼。以結新驩。竊為將軍不取也。且漢王名為濶達大度。衷實刻削。方且聲寡人之罪。為義帝發喪。而分羹之語。凡為人子者。所不忍聞。自親之不恤。何有於將軍哉。將軍之王齊。果出自漢王意乎。抑請而後得者乎。

漢王以有寡人在不敢不聽其其本心而將軍遂以為漢王遇我厚愚矣況寡人勇畧蓋世身經七十餘戰未嘗敗北曩者鉅鹿之戰諸侯王所習知豈漢王所敢挑戰決雌雄者鴻門之會寡人生之榮陽之圍寡人欲死之而乞憐於臣紀信狡兔幸脫又將軍所習知者顧望依彼以自振乎寡人之剪滅漢王在旦夕如終風之蕩檣楫而將軍頗為之出死力於將軍未便寡人又聞蒯生以三分鼎足之說說將軍此未必非良平畫策慮將軍二三其心陰以言試之者將軍自宜狐疑弗聽而寡人剛直無他腸會與將軍有一日之雅敬希其區區之私豈槩等為貌

言而怒之乎惟垂聽幸甚

淮陰棄楚投漢霸王儼然一故士矣而相逼之甚宜通一介之使以探其意羽何計不出此而竟致垓下之迫乎是豈學書不成止足以記名姓而不能作書耶抑以書為未必垂憐而不屑屈志於人耶幼宰擬作雖則遊戲而語實聳聽倘得筆尖橫掃未可知耳

補漢太子請四節書

徐 緘

皇太子敬問四先生無恙居山茹芝甚善甚善寡人竊聞之堯
 讓天下於許由許由逃隱伯夷叔齊諫武王餓死首陽山夫賢
 哲○耦○世○而○中○道○乖○違○豈○不○痛○哉○且○夫○萬○乘○之○位○太○上○比○於○桎○梏○
 伐○國○之○問○仁○人○之○所○塞○耳○堯○既○失○之○於○前○武○又○重○違○於○後○然○則
 彼○三○賢○之○高○蹈○亦○有○激○而○然○也○今○先○生○秉○道○矯○俗○抗○志○飛○逸○豈
 特○古○之○人○乎○寡○人○則○夤○鄙○狂○惑○竊○不○自○量○願○與○先○生○為○布○衣○之
 交○掃○室○布○席○承○使○令○之○乏○職○事○有○程○終○以○不○獲○伸○悃○幅○於○左○右
 竊○自○悲○也○屬○天○下○初○定○黔○首○去○離○湯○火○諸○侯○軌○道○兵○革○偃○息○跂

行。蠕。動。莫。不。陶。然。有。以。自。樂。而。寡。人。獨。寢。不。安。席。食。不。甘。味。目。不。睨。靡。曼。之。色。耳。不。留。要。眇。之。音。者。誠。以。不。得。奉。教。於。君。子。一。親。長。者。之。風。烈。也。天。命。不。惜。備。員。諸。武。戰。戰。慄。慄。死。亡。無。日。先。生。或。者。一。旦。恢。孔。墨。之。度。而。不。屑。於。夷。由。之。賢。儼。然。辱。而。庭。教。之。則。蒼。蠅。之。翼。得。附。黃。鵠。之。羽。駑。馬。之。步。幸。追。千。里。之。價。寡。人。雖。不。佞。知。不。獲。笑。於。天。下。矣。其。微。惠。於。先。生。甚。大。雖。然。寡。人。誠。得。微。惠。於。先。生。庸。獨。身。利。乎。哉。自。夫。宗。周。滅。其。燎。火。蠶。食。橫。於。六。七。二。三。百。載。之。間。暴。骨。成。邱。山。戰。血。流。江。河。訖。於。後。秦。之。酷。烈。西。楚。之。殘。賊。天。下。幾。無。唯。類。蓋。撥。亂。興。治。若。斯。之。艱。難。也。且。夫。霜。雪。之。下。必。有。陽。春。盛。夏。赫。曦。不。無。伏。陰。聖。人。不。在。朝。于。必。藏。於。簾。肆。巖。穴。之。間。隱。憂。不。鍾。於。敵。國。外。患。必。在。於。廣。廈。細。旃。樽。俎。帷。房。之。內。是。故。滔。天。之。波。起。於。濫。觴。千。里。之。轍。擊。於。跬。步。宴。笑。僭。於。矛。戟。成。敗。判。於。晷。刻。一。晝。一。夜。萬。得。萬。失。禍。福。之。機。間。不。容。髮。是。以。仲。尼。錄。寒。裳。之。章。驪。孟。著。纓。冠。之。教。良。有。以。也。豈。爲。過。乎。蓋。瞽。者。無。以。與。於。文。章。之。觀。瞶。者。無。以。與。於。韶。濩。之。美。噤。者。無。以。與。於。勺。藥。之。和。先。生。其。遂。瞽。寡。人。與。聾。寡。人。與。噤。寡。人。與。則。雖。使。張。儀。竭。說。於。前。子。貢。游。揚。於。後。王。良。執。轡。韓。哀。駟。乘。猶。之。無。與。矣。苟。其。不。然。恐。商。山。之。猿。鶴。不。足。以。沮。雲。龍。之。

駕也。蓋仁者不先身而後君。知者不背時而棄物。勇士不怯死而滅名。三者即先生何居焉。故寡人不敢避愚昧之誅。敬使使者約車待命。惟先生之留意計之。

高帝欲易太子。呂后強張良書策。良乃設計奉太子書。卑辭厚禮。迎上所不能致者四人。以為客。感動之。自當不易。後果如其計。奈此書失傳。而擬作者有三人焉。惟伯調暢所欲言。情意愷切。特錄之以補史闕。○四皓高蹈商山。不屑應高帝召。而欲為太子死。此誠何心哉。恐其未必若是也。吾以為此四人者。乃良之詭計。或非真四皓耳。

擬孫權答曹操書

蘇軾

權白。孟德足下。辱書開示禍福。使之內殺子布。外擒劉備。以自効。書辭勤款。若出至誠。雖三尺童子。亦曉然知利害所在矣。然僕懷固陋。敢略布昔田橫齊之遺虜。漢高祖釋酈生之憾。遣使海島。謂橫來大者王。小者侯。猶能以刀自剄。不肯以身辱於劉氏。韓信以全齊之地。束手於漢。而不能死於矚下。自古同功一體之人。英雄豪傑之士。世亂則藉以剪伐。承平則理必猜疑。與其受韓信之誅。豈若死田橫之節也哉。僕先將軍破虜。遣漢陵夷。董卓僭亂。焚燒宗廟。發掘陵寢。故依袁術。以舉義師。所指城

邑響應天下思得董卓而食之不厭不幸此志未遂而無祿早
世先兄伯符嗣命馳驅鋒鏑周旋江漢豈有他哉上以雪天子
之恥下以畢先將軍之志耳不意袁術亦僭位號污辱義師又
聞諸君各盜名字伯符提偏師進無所歸退無所守故資江東
爲之業耳不幸有荆軻舞陽之變不以權不肖使統部曲以卒
先臣之志僕受遺以來臥薪常胆悼日月之逾邁而歎功名之
不立上負先臣未報之忠下忝伯符知人之明且權先世以德
顯於吳權若効諸君有非常之志縱不蒙顯戮豈不墜其家聲
耶漢自桓靈以來上失其道政出多門宦官之亂纒息董卓之
禍復興催泥未誅袁劉割據天下所恃惟權與公及劉備三人
耳比聞卓已鯨鯢天子反正僕意公當掃除餘孽同獎王室上
助天子與宗廟社稷之靈退守藩國無失春秋朝覲之節而足
下乃有欺孤之志威挾天子以令天下妄引歷數陰構符命昔
笑王莽之愚今竊歎足下蹈覆車也僕與公有婚姻之舊加之
同好相求然自聞求九錫納椒房不惟同志失望天下甚藉藉
也劉備之兵雖少然僕覩其爲人雄材大畧寬而有容拙於攻
取巧於馭人有漢高祖之餘風輔以孔明未可量也且以忠義
不替曩昔僕以爲今海內所望惟我二人耳僕之有張昭正如

備之孔明左提右挈以就大事國中文武之事盡以委之而見
教殺昭與備漢豈病狂也哉古諺有之輔車相依唇亡齒寒僕
與劉備實有唇齒相須之勢足下所以不能取武昌又不能到
成都者吳蜀皆存也今使僕取蜀是吳不得獨存也蜀亡吳亦
隨之矣晉以垂棘屈產假道於虞以伐虢夫滅虢是所以取虞
虞以不知故及禍足下意何以異此古人有言曰白首如新傾
蓋如故言以身託人必擇所安子無德視僕豈惜此尺寸之士者
哉特以公非所托故也荀文若與公共起艱危一旦勸公讓九
錫意便憾使卒憂死矧僕與公有赤壁之隙雖復盡釋前憾然
豈敢必公不食斯言乎今日歸朝一匹夫耳何能爲哉縱公不
見害交鋒兩陣之間所殺過當今其父兄弟實在公側怨讎
多矣其能安乎季布數窘漢王及卽位猶下三族之令矧足下
記人之過忘人之功不肯忘文若於九錫其肯赦僕於赤壁乎
孔文舉與楊德祖海內奇士足下殺之如皂隸豈復有愛於權
天下之才在公右者卽害之矣一失江東豈容復悔耶甘言重
幣幸勿復再

曹操爲司空時阮元瑜爲軍謀祭酒管記室嘗爲操與孫權
書誘之以高位重爵使內取子布外擊昭烈惜權置之不答

東坡擬此直誅其心。抉其隱。老瞞自應膽喪。

擬曹操諍黃祖殺彌衡書

鍾惺

孤白聞足下乃遂殺彌衡。惋歎彌日。何足下高於視衡而淺於待孤之甚也。始孤送衡於足下。或曰此遣之死耳。孤問何以知之。曰衡小有才。負重名。不遜。恐其不察。妄意主上。忌且怒之。必殺衡。以順主上之意。孤曰不然。孤觀孔融薦衡書。其言過夸。然以為。例必有才用智數。如荀彧郭嘉等。可備帷幄。任使及觀其人。狂而騷耳。然其效猶未能遽至。殺身姑使為鼓吏。以觀其後。而其狂日益甚。不可瘳。孤復笑而哀憐之。才士薄祿。至於是然。其山鷄之羽。文采可觀。澤雉之罹氣。介堪重。豈有為天下驅

策智勇而不能卵翼一衡者孤又恥之。值其跳梁方熾，決不能恬然食孤之食。聽孤之教，便置之安厝之地。然衡書生接霸王之時，少見孤寬容，以爲天下盡如是不若。使遊羣霸間，以鍊之。知足下性頗下急，使其就絳轡之上，圈檻之中，以調伏其狂騃之致。庶幾異日得如王粲、陳琳輩，孤當有以處之矣。不然而置足下所衡，不得復發其狂疾，亦有以自處，不至流落失職。此則孤區區之念也。語曰：智勝賊能制賊，足下割據一方，其略當有過人者。豈遂效兒女爭鬪口語，不能容置此子，且孤送衡之意，極不難知。孰意孤反用足下下急之性，爲殺衡之具哉。孤不能不負衡，則足下負孤，其矣。若謂孤有怒且忌於衡，惡有殺才士名而假手於足下，此又不然。衡又何可忌，孤有怒於衡，卽殺衡耳。且殺衡又何損於孤，孤所殺不啻有千百倍於衡者乎。小儒愿子爲之咨嗟釋憾於孤，而有識不聞以爲非，以爲此曹虛名誑俗辨言亂政，少正卯、華士之流，大人之所必誅，而衡非其人也。若衡者，所謂不足殺而可憐，且可使之調伏，而處於王粲、陳琳之列者也。夫王粲、雅士，又窮而歸，孤此不必言。若陳琳之辱孤，又過於衡，迨其歸命之後，巽馴可念，則孤誠心喜之。豈有又送與他人，待其僕僕倦於往來，而後飲食教誨之無已，而至於

殺其身哉。使衡卒不免，則孤之過而足下至疑衡有尚，不重名孤不殺而遺之於足下，此則高於視衡而淺於待之過也。夫劉備者，孤嘗許其天下英雄，惟備與孤耳。則孤所忌，宜莫如備。備將閔羽，亦臣隸之皎皎者。墮孤掌股者數矣，孤皆撫之，已負孤而又縱之，而又撫之，而又縱之，終始成其義。孤豈憚有殺英雄名，凡以王伯將相之業，非殺之所能取勝，俟其運數有所歸。智勇有所窮，而後承其敝。丈夫舉事從古如此，況衡之不足殺者乎。此非足下所知。聊爲足下道之耳。若足下殺衡，斯又不足怪。足下思之。孤白。

正平初，辱罵操，操不能容，送之劉表。後復侮表，歸黃祖。未幾，忤祖，遂見殺。祖長子射，徒跣來救，不及，祖亦自悔，乃厚加賻。歛嗟乎！予嘗讀漢史，而深惜衡之不能善用其才，以致死也。有才之謂何，雖搽與祖，不得爲無罪。然搽不卽加害，而善遣之。祖旣殺之，而旋復悔之，於以見直道之在人心，猶不致泯絕也。是衡之死，固有以自召，斯二人又何足深責哉。伯敬擬此深得姦雄口是心非情狀，設令黃祖見之，亦當自服其辜矣。

擬劉封答孟達書

高 啓

封白子度足下書教僕自貳開陳利害甚悉且讀且思竊有未
 論蓋聞利害者賊義之端也人惟論利而不論義故有君臣父
 子之相叛君臣父子之相叛臣子之所不忍言而足下之書何
 以至僕則耶便焚書止使以告絕於足下然恐足下不知主上
 所以待僕之意而僕所以報主上之心并書中有可復者故勉
 述簡牘足下其聽之昔竇嬰與灌夫懷交友之私實同田蚡之
 禍韓信於高祖感推食之意卒拒蒯徹之說此前史之美談而
 足下所共聞也今僕於主上體同血胤名附宗籍至親厚恩固

非交友之私也。出則總戎，入則居守，尊位重祿，固非推食之意也。足下視主上所以待僕者如此，則僕所以報主上者其可異於二子乎？且父與君有其一，皆當致死。僕一身而二責萃焉，其致死也亦無疑矣。而足下乃以商種白起、孝已、伯奇為僕之戒，是何言之過也。夫為人臣者，患忠之不至而不患君之不知，為人子者，患孝之不純而不患親之不察。使不幸而為商種白起、孝已、伯奇，則亦將瞑目長逝而無愧矣。復何求哉？若所謂申生、重耳之說，又不然。晉獻公無道，故有是事。今主上聖明，內無嬖幸，外無讒慝，嫡庶有別，慈愛不移，何可妄相引諭，以為誑惑之道耶？末後責僕以三事，是益見足下之不思矣。僕請有辭焉。夫古人有以義為父子者，何謂非禮？知守節而不變，何謂非智？見僭偽而不從，何謂非義？僕之自處，亦云得矣。若從足下之計，而求以為禮為智為義，是猶惡寒而去裘，畏熱而附火，不愈甚乎？今太子已正位東宮，僕當長守藩國，為王室屏翰。若以不肖不得順於君父，則將素服詣闕，藉藁待罪。安能棄親事，離窶身，異國生為棄人，死為繆鬼，足下所謂大丈夫，恐不如是也。況剖符之封，僕所自有，迺欲使之舍安而就危，去順而就逆，僕非病狂何利而為此？古人之行，一不義而得天下者，亦有所不為。況尺

寸○之○土○哉○僕○此○心○皎○然○天○地○神○明○實○共○臨○鑒○足○下○安○能○移○之○若○
以○僕○爲○愚○或○可○以○言○誘○曷○異○以○告○趨○走○之○人○曰○而○叛○而○君○語○孩○
提○之○童○曰○而○背○而○親○莫○不○唾○而○去○之○矣○僕○雖○至○愚○然○於○君○臣○父○
子○之○義○亦○嘗○聞○之○矣○何○至○不○如○趨○走○之○人○孩○提○之○童○哉○嗚○呼○初○
漢○之○陵○夷○也○董卓○首○亂○二○袁○效○尤○海○內○無○所○底○定○主○上○奮○起○欲○
與○曹○操○戮○力○匡○濟○以○救○元○元○而○操○亦○懷○異○圖○中○路○構○隙○故○主○上○
一○破○之○於○烏○林○再○走○之○於○南○郡○而○天○方○佑○姦○得○死○衽○席○今○其○子○
不○不○思○蓋○前○人○之○愆○乃○敢○陰○造○符○命○自○製○禪○文○遷○易○重○鼎○盜○攘○
神○器○有○志○之○士○咸○恥○立○於○其○朝○僕○嘗○獲○從○足○下○周○旋○行○間○竊○觀○
足○下○亦○有○志○者○故○將○共○圖○中○原○報○奇○遇○於○吾○主○而○天○奪○足○下○之○
魄○使○自○棄○於○忠○義○之○林○北○面○僞○庭○爲○天○下○笑○既○不○知○愧○乃○復○爲○
人○作○衛○律○耶○今○主○上○憫○宗○社○之○顛○覆○復○恐○七○廟○祀○廢○萬○姓○失○戴○
故○資○荆○益○之○饒○據○岷○峽○之○險○正○尊○號○以○繼○大○統○方○將○出○關○隴○定○
三○輔○仗○義○而○東○以○收○復○故○物○足○下○若○能○慕○隨○會○之○明○陋○李○陵○之○
暗○使○不○遠○而○復○則○富○貴○寵○榮○當○保○如○昔○倘○以○斯○言○未○信○終○忘○首○
邱○之○念○恐○鄰○下○不○守○以○白○衣○從○輿○視○之○後○得○無○悔○乎○此○誠○知○者○
變○禍○爲○福○之○日○幸○審○度○之○無○忽○

孟達爲宜都太守與劉封不和又以不救關公恐昭烈罪及

乃率所領降魏魏以爲平陽亭侯將兵襲封達因與封書誘其降封不從後封敗走還成都昭烈賜之死封歎曰恨不用孟子度之言嗟乎惜哉封何不得其死也何始仗節而終失言耶此擬首明君父大義中乃痛罵叛降末復勸其歸正語語抹倒來札足懼亂臣

擬關雲長答陸遜書

吳從先

將軍開翼雲間飛才江右重鎮西藩爲吳石臂下車未遠忽射羽書以良馬異錦嘉休老夫中心藏之示結腹心共獎王室寧不區區報漢家於萬一也阿瞞自七軍淪沒干禁受囚龐德被戮亦已寒心見機自固徐晃雖多步騎有何窺望耶將軍勞心竊或過計第荆州與陸口接壤蜀吳爲讐已非一朝寡君報公子之命丞相有破曹之勳替屬宗盟非吳土地豈意周公瑾容受不廣至於殞身骨雖枯吾知其目未瞑也魯子敬心知不義然迫於吳侯屢來奉使終受詘辭遂薦呂子明以窺我東鄙老

夫不警戎車而捍禦無隙。豈期疾作乃罷長城將軍。以少年受付託。干城之寄。吳方賴之。乃慨然以操猾為憂。將軍豈觀其篡逆。不共戴天。尚以蜀為漢室一綫。或能用命。抑事在荆。而指在洛。兵法所謂將欲取之。必固與之也。老夫之言。誠如曠日。要以春秋大義。非人不扶。勿昵小功。遂玷萬古羽白。

陸遜未有遠名。宜關公之所不及。防況來書。謙下于禁。見獲。擬以晉文城濮之師。淮陰拔趙之略。又云。戰捷之後。常苦輕敵。然關公不輕視操。而輕視遜。隨其姦計。傷哉。寧野指出。勿昵小功。遂玷萬古。語足寒心。情不介伯。言見之也。

擬山濤報嵇康絕交書

柴紹炳

足下頃遺書。具悉。爾要僕念事已中寢。不足復費詞。徒以譙責太深。難吾屬可以相忘。外間傳布。易滋嫌隙。有乖大雅明喆之義。若隱情嚙受。又非所謂友生忠告也。故敢畧陳其愚。以曉左右。僕自慚款啓。無所比數。然少孤處約。頗負介然之性。欲隱身自晦。不妄交遊。惟與足下及仲悌兩人善耳。已復得嗣宗。若忘言之契。竹林把臂。便欲終焉。尋以慈母在堂。仰資升斗。疆齡奉檄。聊云代耕。中間復遭事變。決意遂初。而情切汝墳。覩顏復出。更忝除命。叨躋選曹。此皆叔夜所稔。知僕之本末。詎不然耶。未

幾量移分宜舉代冀獲勝已澄濯官方謂足下奇才雅量晉司
天職實爲堪可故訟言於廷稍解文仲竊位之譏且展令尹必
告之誼迺輿論參差未聞召拜而足下逆見忤拂以爲僕罪大
不可解矣君子出處語嘿各行其志故有處朝廷而不出入山
林而不返者誠如仁論然足下與吾交詔不薄卽高蹈遺榮恥
自降屈斯亦區區宿懷要未嘗有心讎嫉故相牽逮致開絕交
之釁哉足下欲杜攀援之途過爲峭斬之論此非長者所宜出
也乃以人倫有禮朝廷有法自惟有必不可者勢或難強甚
且非湯武而薄周孔剛腸疾惡云云縱古之逸民隱居放言然
消息隨時不若是激且峭矣又云少讀老莊增重其放夫柱下
漆園吾所深慕味其遺言有心齋守靜之要奈何茹其糟粕棄
其精華耶且叔夜自道嗜神仙服御上藥則宜沖退慎嘿以與
物無競爲常比聞擁樹親銀箕踞對客絕不爲禮乃七季以此
見銜嘗與僕談之恨幾次骨僕時猶緩頰以解言潯冲與嵇居
山陽有年未嘗見喜愠之色渠當有此今奉來教乃信有之耳
夫人情吹索癡瘡易生唇吻所扇其禍恒酷昔楊惲以報孫會
宗書罪至棄市孔文舉恥爲太祖誡闔門見收語曰前車覆後
車鑒且足下婚於天室負人龍之望往者淮南魯變嘖有蜚聞

吾獨以百口保其無他。亦賴大將軍能聽之耳。今更詞旨激發，不風而波，正恐高明方來，愛莫能助。脫有媒孽，譬則禽鹿見羈，迴憶居平，與親好周旋，卮酒微醺，彈廣陵一曲，豈復可得。故不惜苦口，庶比曲突徙薪，先事以救耳。孫公和，有道者也，嘗謂足下性烈而才雋，此舉嗛嗛，正復坐是，願足下詳味鄙言，克全明喆。斯僕幸甚，幸甚。濤惶恐謹白。

叔夜辭職，固有隱衷。巨源薦賢，亦是交誼。何至絕交。虎臣擬答，又氣踈古。真不亞山公啓事也。

擬招討澤潞使成德王元逵魏博何宏敬上宰相李文饒

求罷中使監軍書

陳子龍

元逵宏敬再拜。上書司空相公閣下。伏讀三年四月詔書，朝廷以劉稹凶逆，阻命，勅河北二鎮合兵致討。元逵等聞命，魏兵已柵肥鄉，趙出銳師，次臨洛，依朝廷所降指揮，斷其章表，賊勢窮蹙。又聞河陽東許之兵已扼其南，河東之師控其重險。此皆主上神武明斷，威所必行，閣下訐謨決贊，揣授方畧。元逵等謬在方鎮，奉藩無狀，深恃發縱，以免隕越，敢不畢力上殄叛族，以報朝廷。下剪凶鄰，以保境土。伏惟用兵之要，垂順殊方，任人之際。

專否異功。閣下沉幾應物。審決事體。覽古今之成敗。考國家之
故實。機失於有待。功撓於將成。言鑒往事。想同痛悼。自古用兵
貴於專。一唐興以來。命將尤重。安西節制萬里。北庭兼統數鎮。
聽其區置。無復監司。故權歸一尊。所向必克。進壞却敵。過於隆
漢。自安史作逆。用兵不休。朝廷深疑主兵之臣。設立監軍。紛亂
兵政。數遣中使。疑阻將卒。朝廷寄以腹心。期其伺察動靜。以致
軍中畏貳。撤其外禦之謀。先圖內防之計。曲躬桴鼓之下。甘言
矢石之間。視其喜怒。如當勝敗。又進則貪功。退則營利。或挾朝
命。疎以禁密。甚通賊旨。示其重輕。內外相間。功都不立。至於河

朔世將。亦置監軍。跡所施為。有害無利。外鎮人情不一。或有國
之信臣。乃心王室。中人要寵。搆成瑕隙。終事為難。若乃悍帥強
室。擅導王命。則挾持內使。要請非常。內使俯伏流汗。唯唯上奏。
徒傷國體。為天下笑。是陰怯之性。遇弱不能調。遇強不能制。徒
有交構之能。曾無捍禦之用也。卽如近日昭義之事。監軍崔士
康為牙將所逼。出言失次。辱命莫甚。概可知已。至於用兵之際。
疑誤多端。三軍之耳目。寄於將帥。自得進止。則耳目專決。今中
人本無至計。動稱勅書。汕惑成筭。搖動士衆。執狐疑之心。懷退
怯之意。泥遙度之慮。斷須臾之機。臨戰之時。惴惴無措。猥云詔

節為重。欲軍鋒銳士用以自衛。又高牙大纛以自表。異冀師
 徒克捷。有專軍之功。前鋒小挫。則捲旗先遁。全軍疑懼。因以奔
 北。又復抗表歸罪將帥。此英雄以之解體。方鎮憤而跋扈也。伏
 惟閣下統羣方之任。建不世之策。為國掃除。顏綱復振。今潞州
 狂童投首不遠。此功之成。咸在閣下。閣下當清暇之時。為主上
 奏免中人監軍使內之謀略。所出專屬宰司外之號令。所行專
 聽節鎮大功之成。旦夕可就。昔憲宗皇帝討劉闢。宰相杜黃裳
 白罪中使專委高崇文。關以就縛。邇者天德軍用兵西方。閣下
 建議罷免監軍。回鶻破誅。此往事之明驗也。閣下為主上腹心
 之臣。言無不從。元達等侯命勤勤。其他用兵機宜。一如詔旨。閣
 下無憂焉。元達宏敬再拜白。
 中使監軍不獨有撓將心。抑且大失國體。何廟堂之不察也。
 此擬侃侃而談。反覆詳盡。文饒若見。必奏罷無疑。

擬岳武穆遺秦相國書

屠隆

岳飛頓首頓首。致書相國。足下飛自領王師渡河。賴陛下之靈。相國之智。所當摧鋒陷陣。大河以北無堅城。飛令諸軍北比且大醉黃龍府。諸軍聞飛。致音無不踴躍起介而馳者。虜人無當也。飛於時謂遂定中原。詔兩宮而還之。陛下直唾手取之矣。然後角巾投老西湖之上。飛之願也。乃今者一日奉陛下金牌十二。詔飛班師。天王有命。臣懼隕越於下。飛奈何敢不班師哉。然從東南來者。皆言非陛下意。謂謀出相國。相國實陰持之。飛竊意相國為陛下輔弼之臣。陛下之遇相國厚矣。語有之。瓶之罄

矣。維繫之恥。相國爲天子大臣。如何令虜人猖獗。盡棄大河以
北。赤縣神州。二帝越在草莽。而坐擁江南尺寸之土。以偷老其
間。則焉置相矣。相國如天下。何內折中原之氣。而外長仇讎。相
國必不然。故敢以書奏。飛日者渡河來。顧瞻帝京。徘徊宮闕。咏
宋箕子。麥秀之歌。吟周大夫黍離之篇。扼腕而起。仰天長號。蓋
不知其泪之淫淫下也。二帝遠在沙漠之鄉。望救於相國。一夕
百年耳。願相國念之。且相國嘗從胡中。回烟沙之地。不慘於中
原乎。旣喪之人。不陋於冠裳乎。虜人之遇相國。誠厚孰與大國
之相乎。奈何令二帝久辱胡中也。君父跼在危亡。此臣子枕戈
泣血之時。誓不俱生之日。中包背何如人哉。飛一日班師赴闕。
下相國。且擢手勞飛。賜飛卮酒。飛寧能不咽耶。相國卽不念二
帝如陛下。何今中原取於掌上。二帝旋於目前。功業垂成。而棄
之。令飛十年經營。廢於一旦。能不痛心。詔書到軍中。父老擁飛
馬首。哭者萬數。相國不聞也。相國何親於虜。陛下何負於相國。
哉。是役也。卽出陛下意。相國何不強諫。陛下必聽相國。相國之
言行。則功在社稷。名流天壤。此萬世一時也。願相國圖之。飛爲
陛下取中原。還二帝。非以已也。陛下今召臣。臣業已還師。卽歸
死司寇。身首異處。臣請受而甘心焉。於飛何有哉。第棄垂成之

本會集 卷五
圖而失萬世之利。俛首喪氣爲天下笑。飛甚惜之。相國一旦不
成行。且獲戾。萬代無已。時飛爲相國謀。忠相國其熟計之。無忽
武穆志。在不惜死。故奉詔班師。不復致辨。赤水擬此遺檜。責
以大義。足令權姦吐舌。真誅心。褫魄之交。

陳玄謝啓

林希逸

焚膏油而自苦。久懷如擣之憂。升卿掌以驟華。遽沐兼收之寵。
俯。憚。小。物。仰。累。洪。爐。伏。念。某。黑。水。派。遙。黔。川。源。淺。自。分。爲。池。中。
之。物。伊。誰。管。繫。下。之。音。堅。白。辨。雄。見。比。漆。園。之。傲。雌。黃。口。衆。競。
唾。墨。子。之。非。擊。劫。安。之。言。而。歌。烏。烏。解。子。雲。之。嘲。而。守。嘿。嘿。面。
日。黎。黑。志。氣。消。磨。未。能。希。擣。藥。之。仙。已。甘。儕。飲。墨。之。土。輕。重。未。
可。問。寧。觀。死。灰。之。復。然。尺。寸。垂。將。來。政。作。凌。烟。之。遠。計。竈。非。肯。
媚。突。不。得。黔。徒。託。屈。原。之。獨。清。寧。信。老。子。之。守。黑。人。皆。自。售。爭。
先。懷。金。而。紆。朱。已。獨。見。遺。反。誚。草。玄。之。尙。白。旣。論。情。無。膠。漆。之。

固時見之於杵臼之間。肉食之色既無，塵衣之緇莫滌。立圭誰錫，故笏空存。家聲莫續於五松，陋品驟躋於九棘。左右斷無卽墨之譽，姓名曷至中書之堂。自揆資輕，有慙明試。茲蓋恭遇某官筆旣提而再入，瑟無膠以不調。博極羣書，允謂墨莊之富。善無棄物，均爲爽袋之儲。惟其肯摸索於暗中，所以入收拾之數內。某敢不執愈堅於金石，誓無變於丹青。磨涅豈無恪守，縑緇之訓方圓俱可。肯遺卿尼之譏，箏垂玉露舌吐龍香。已能辟易千人，不必飲汁一斗矣。

補侯公說項羽辭

有引

蘇賦

漢與楚戰，敗於彭城。太公間走，見獲於楚。項羽常置軍中，以爲質。漢王遣辨士陸賈說項羽，請之不聽。後遣侯公，羽許之。遂歸太公。侯公不辨過陸生矣。而史闕其所以說羽之辭，遂探其事情以補之。

漢王四年，遣辨士陸賈東說項王，請還太公。項羽弗聽。賈還，漢王不懌。者累日，左右計無所出。侯公在軍中而未知名，乃趨進而言曰：秦爲無道，荼毒天下。戮人連父，刑人之子。如刈草菅，大玉奮不顧身，建大義除殘賊。爲萬民請命，今秦氏已誅，天下

定民之父子。家皆得保完以相守也。其慶大矣。宜與太公享萬歲無窮之歡。不幸太公拘於強讐。以重大王夙夜之憂。臣聞主憂臣辱。主辱臣死。大王諸臣未有輸忠出奇以還太公之屬。車蹈義死節以折項羽之狼心者。臣恐天下有議漢爲無人矣。此臣等之罪也。臣願先卽辱國之誅。漢王嘻噓曰。吾惟不孝不武。而太公暴露拘辱於楚者三年矣。吾重念天下大計未獲。卽死之。此吾所以且夜痛心疾首東嚮而不忘也。顧爲之奈何。侯公曰。臣雖不敏。願大王假革車一乘。騎卒十人。臣朝馳至楚壁。而暮與太公驂乘而歸。可乎。漢王慢罵曰。腐儒何言之易也。犬陸賈天下之辨士。吾前以遣之。智窮辭屈。抱頭鼠竄。顛倒而歸。僅以身免。若何言之易也。侯公曰。待人以必能者。不能則喪氣。倚事之必集者。不集則挫心。大王前日之遣賈也。恃之爲必能之人。望之有必集之事。今賈乃困辱而歸。是大王氣喪而心挫也。宜有以深鄙臣也。且大王一失任於陸賈。乃遂懲艾以爲無足使令者。是大王示太公之無還期待。天下爲無士也。漢王曰。吾豈忘親者耶。顧若無足以辨此。且項王陰岐不仁。徒觸其鋒。與之俱靡耳。侯公曰。昔趙平原君苦秦之侵。欲結楚從也。求其可與從適楚者。二十人。蓋擇於門下也。食客數千。得十九焉。其

一人無得也。最下客毛遂請行。平原君不擇而與之。俱卒至強。楚廷叱其王而定從於立談之間者。毛遂功也。日者趙王武臣見獲於燕。以其臣陳餘張耳之賢。擇人請王往者。十輩無一返者。終於養卒請行。朝炊未終。乃與趙王同載而歸。此大王之所知者。臣乃今日願爲大王之毛遂。養卒大王何嫌不辱平原餘耳之聽哉。漢王曰善。卽飭車十乘。騎卒百人。以遣侯公。侯公至楚。晨扣軍門。謁項王曰。臣聞漢王之父太公爲俘囚。臣竊慶大王獲所以勝於漢者。前日漢王遣使請之。而大王不與。至將烹焉。臣竊弔大王似不卹楚矣。項王嗔目大怒。叱侯公曰。若自薦死。乃欲爲而主行說。以僥倖也。且吾親與人角而獲其父。固將甘心焉。今乃言無卹者。何也。侯公曰。臣以區區之身。備漢之使。而有謁於大王。故大王以臣爲漢游說。而忘忠楚也。大王試幸聽之。使其言有可用。則楚漢之大利。兩君之至歡。豈臣之私幸也。使其言無可用。則臣徐蹈鼎鑊。以從太公之烹。蓋未晚也。項王曰。太公之不得歸。必矣。若將何言。侯公曰。夫漢王失職。怏怏而西。因思歸之士。收豪傑之伍。舉梁漢之師。下巴蜀之粟。并三秦。定齊魏。日引而東。以與大王決。一旦之命。大王視其志。固將一天下。朝諸侯。建七廟。定大號。爲萬世基業耶。抑將區區狗匹。

夫之節爲會參之孝而已者耶。且連兵帶壘與楚百戰以決雌雄。乃有天下三分之一。大王軍覆將死。自救不暇。凡所以運奇決敵爲大王之勅敵者。在漢王與諸將了事耶。抑太公實爲之也耶。雖庸人孺子固知之。然則太公獨一亡似人耳。不足爲楚漢之輕重大王幸擄獲之。而禍福實繫焉。視其用之如何耳。得所以用而用之者強矣。所以用而用之者亡。苟爲失其所用。未若不獲之爲善也。大王所以久居而不歸者。固以要之誠是也。且要而能致之。則權在我。要而不能致。則權在人。權之所在以戰必克。則要者名也。歸者實也。大王苟不得志於名。當速收効於實。無爲兩失而自遺其患。是以臣竊爲大王愼惜此舉也。大王固嘗置之朝上而命之矣。彼報之曰。必欲烹之。願分羹焉。且父子相愛之情。豈相遠哉。方漢王窘於彭城。二子同載推墮。捐之弗顧也。安知其視父不與子同也。太公之囚楚者三年矣。彼誠薦於愛父。固將捐兵解甲。膝行頓顙。楚之轅門爲之請。一旦之命。今勵士方力督戰。方急無一日而忘與楚從事。此其志在天下。無以親爲也。大王今不歸之。以收其實。將久留之。以執其名。故曰似不卹楚也。項王怒氣少息。徐曰。願吾所讐者。漢士爾其父何與耶。且漢王親以其身投吾掌握者數矣。我常易而釋

之今乃曰東向必欲亡楚而後已故吾深雙身之欲蒞臨其父聊快於一時況與之歸耶侯公曰辱大王幸賜聽臣臣請言其不可者夫首建大義誅暴秦者惟楚世爲賢明顯名於天下者惟楚天下豪傑樂從而爭赴者惟楚被堅執銳爲士卒先所向摧靡莫如大王兵強將武百戰百勝莫如大王諸侯畏懼惟所號令莫如大王割地據國連城數十莫如大王大王持此數者以令天下朝諸侯建大號何待於今然而爲之八年智窮兵敗土疆日促反爲漢雉大王嘗自知其所以失乎項王曰吾誠每下自知如公言焉公試論吾所以失者侯公曰大王知夫博者事乎夫財均則氣均氣均則敵偶然後勝負之勢決於一時今大王求與漢博方布席徒手未及投地而驟以已資推遺之已而財索氣竭徒手而校之則大王之勝勢去矣夫仁義禮智所以取天下之資而制敵之具也大王乃棄資委具以爲無所事以故漢皆獲而收執之此所以自引而東視大王如無也項王曰何謂棄資委具侯公曰夫秦民之不聊生久矣漢王之人關也秋毫無所犯解秦之罟約法三章民大慶悅惟恐其不王秦也大王之至燔燒屠戮酷甚於秦秦人失望何以爲仁大王始與諸侯受約懷王先入關者王之漢王出萬死不顧一生之計叩

關○決○戰○降○俘○其○主○以○待○大○王○而○大○王○背○約○還○之○南○鄭○何○以○爲○信○
大○王○以○世○爲○楚○將○方○舉○大○義○不○立○其○後○無○以○令○天○下○遂○其○立○懷○
王○而○稟○聽○之○及○天○下○且○定○乃○陽○尊○爲○帝○而○放○殺○之○何○以○爲○義○以○
范○增○之○忠○陳○平○之○智○韓○信○之○勇○皆○人○傑○爭○天○下○者○視○此○三○人○爲○
之○存○亡○然○而○增○死○於○疑○平○信○去○而○不○用○何○以○爲○智○是○以○漢○王○於○
其○入○關○也○天○下○歸○其○仁○其○還○定○三○秦○也○天○下○歸○其○信○爲○義○帝○編○
素○也○天○下○歸○其○義○其○用○不○信○也○天○下○歸○其○智○此○四○者○大○王○素○有○
之○資○可○畜○之○具○惟○其○委○棄○而○不○用○故○漢○皆○得○而○收○執○之○是○以○大○
王○未○得○所○以○稅○駕○也○方○今○之○勢○漢○土○者○高○資○富○室○也○大○王○者○窶○
人○也○天○下○者○市○人○也○市○人○不○趨○窶○人○而○趨○高○資○富○室○明○矣○然○則○
大○王○今○日○之○資○持○有○一○大○公○耳○天○所○以○相○楚○也○今○不○歸○之○以○伸○
區○區○之○信○義○紆○旦○夕○之○急○臣○恐○漢○人○怒○氣○益○奮○戰○士○倍○我○是○大○
王○又○以○其○資○遺○漢○且○將○索○然○而○爲○窮○人○矣○此○臣○所○以○爲○大○王○寒○
心○也○夫○制○人○之○與○見○制○於○人○克○人○之○與○見○克○於○人○豈○同○日○而○語○
哉○願○大○王○熟○計○之○項○王○曰○孤○所○以○恩○漢○者○亦○至○矣○然○去○輒○背○我○
今○其○交○在○此○猶○日○急○鬪○誠○一○旦○歸○之○徒○益○其○氣○耳○侯○公○曰○不○然○
臣○聞○懷○敵○者○強○怒○敵○者○亡○大○王○於○漢○有○足○懷○而○制○之○乃○欲○怒○而○
鬪○之○臣○意○天○下○滿○大○王○之○衷○將○遂○孤○楚○矣○大○王○誠○惠○辱○一○介○之○使○

護太公且致言漢王曰前日太公播越於外羈旅敝軍獲待盟沐者三年於茲而君王方深督過之是以下國君臣未敢議太公之歸今君十勅駕迎之孤恐久稽君王且暮問安侍膳之歡敢不承命敬遣下臣衛送太公之屬車以還行宮孤亦願自今日與君王捐忿與瑕繼平昔之歡君王有以報不穀者皇天后土實與聞之如此而漢不解甲罷兵以答大義則曲在彼矣大王因之號令士卒以趨漢王此秦所以獲晉惠公也今大王不辱聽臣臣無所受命而歸漢王固將慟哭於軍曰楚之讐我者深矣使者再返而太公不歸矣且號爲舉大義除殘賊拯萬民終之有不共戴天之讐何面目以視天下今日之事有楚無漢有漢無楚吾將前死楚軍不返顧矣漢王持此感怒士心整甲而趨楚軍此伍子胥所以鞭平王之屍也項王曰善吾聽公姑無烹公第還語而主命罷兵吾今歸之矣侯公曰此又不可夫智貴乎早決勇貴乎必爲早決者無後悔必爲者無棄功王陵楚之驍將也一旦亡去漢大王拘執其母將以還陵也而其母慷慨對使者爲陵陳去就之義勅陵無還遂伏劍而死故天下皆賢智其母而莫不哀其死也今太公幽囚鬱抑於大王之軍久矣今聞使者再返而大王無意幸赦還之臣竊意其變生

於無聊不勝。惠辱之積。一旦引決。以蹈陵母之義。則大王悔恐。自失。雖欲回漢軍之鋒。不可得矣。臣聞來而不可失者。時也。蹈而不可失者。機也。方今大王糧匱。師老。無以支漢。而韓信之軍。乘勝之鋒。亦且至矣。大王雖欲解而東歸。不可得矣。臣願大王。因其時。而用其機。急歸太公。與漢王約。中分天下。割鴻溝以西。爲漢。以東爲楚。大王解甲登壇。建號東帝。以撫東方之諸侯。亦休兵儲粟。以待天下之變。漢王老且厭兵。尙何求哉。固將世爲西藩。以事楚矣。項王大悅。聽其計。引侯公爲上客。召太公置酒。高會三日而歸之。太公曰。后旣至。漢王大悅。軍皆稱萬歲。卽日封侯公平國君。曰。此天下辯士所居。傾國者。故號平國君焉。

懸河之舌。倒峽之辭。想侯公當日。亦未必有此曲折條暢。況其中形容。慢罵叱咤。口吻兩兩逼真。而且灑灑數千言不止。文如萬斛源泉。信不誣矣。

齒落辭 并引

白居易

開成二年予春秋六十有六。瘠黑衰白。老狀具矣。而雙齒又墮。慨然感歎者久之。因為齒落辭以自廣。其辭曰：

嗟嗟乎雙齒。自吾有之。而俾爾嚼肉咀蔬。啣盃漱水。豐吾膚革。滋吾骨髓。從幼逮老。勤亦至矣。幸有輔車。非無齧齧。胡然捨我。一旦雙落。齒雖無情。吾豈無情。老與齒別。齒隨涕零。我老日來。爾去不迴。嗟嗟乎雙齒。孰為而來。哉孰為而去。哉齒不能言。請以意宣。為口中之物。忽乎六十餘年。昔君之壯也。血剛齒堅。今君之老矣。血衰齒寒。輔車齧齧。日削月朘。上參差而下。飢餓曾

何足以少安。嘻君其聽哉。女長辭。姥臣老辭。主髮衰辭。頭葉枯。辭。樹物無細。大功成者去。君何嗟嗟。獨不聞諸道經。我身非我有也。蓋天地之委形。君何嗟嗟。又不聞諸佛說。是身如浮雲。須臾變滅。由是而言。君何有焉。所宜委百骸而順萬化。胡為乎嗟嗟於一牙一齒之間。吾應曰。吾過矣。爾之言然。四大本空。五蘊非有。何惜一齒之落。香山深悟其理。故言之爽然。

錄蠹書魚辭

楊億

蠹書魚曰。吾嘗遊於文字間。文字有所殘缺者。人則曰。吾蠹之故。目子曰。蠹書魚。夫書豈吾蠹之耶。昔者孔子修春秋。帝王之道。取三代之政。述而為經。則謂之書。其文要而簡。其道正而一。所以扶世而佑民。亦萬世常行不易之道也。後世人有悖之者。則其書息。其書息。則聖人之道墮壞也。斯得不謂之蠹乎。文中子曰。九師興而易道衰。三傳作而春秋散。齊韓毛鄭詩之末也。大戴小戴禮之衰也。又揚墨之言出。而孔子之道塞。佛老之教行。而堯舜之道潛。斯則易其九師之蠹乎。春秋其三傳之蠹乎。

詩其齊韓毛鄭之蠹乎禮其大戴小戴之蠹乎孔子道其楊墨之蠹乎堯舜道其佛老之蠹乎魏以降迄於今又有聲律對偶之言雕鏤文理利刻經典浮華詞縮巧偽相銜剗削聖人之道離析六經之旨聖人之道日以刻薄而不修六經之旨日以解散而不合斯文其蠹也書之蠹有自來矣而謂予曰蠹書魚豕敢辭

書中之蠹不一類何怪於魚大年一一揭出可謂異學之誠

責鷹辭

尤侗

邯鄲公子大獵平陽客有獻鷹者六翮霜皎兩月電光長距戟立利鬣劍張左右贊歎名曰大蒼於是駕綵繚鳴金璫絕浮雲盤高岡擊燕雀批鵠鷄剪翬翠打鴛鴦鬪雞斃哺鳥亡老鶴走大鵬降衆鳥愁窘訴於鳳皇鳳皇乃召鷹而責之曰爾以醜質命爲鸚鵡視大司寇乃亦有秋五刑雖威三宥用休維茲是詰豈良是仇爾不聞天道好生善人去殺生蟲不履生草不折爾乃毛摯自快暴骨流血覆巢取卵波及窟穴爾罪一也爾不聞芝焚蕙歎兔死狐悲兩獸相食且人惡之爾乃戕其比翼善此

同飛有室既毀無枝可依爾罪二也爾不聞鳩化為鷹鷹化為
鳩善惡翻覆吉凶周流爾乃反眼不識甘心若讐弗思改過猶
忍包羞爾罪三也且夫飛鳥依人不過飲啄爾倚爪牙助紂為
虐聽其牢籠加以束縛呼之則應縱之則攫不入爾腹徒茂爾
惡飽即颺去於情亦薄信信走狗為物至賤爾與朋黨上下相
亂意氣揚揚噫何足算爾欲已滿爾惡已貫取爾駢誅以塞羣
怨問之衆鳥衆鳥曰善遂滅其族立為罪案
蒼鷹貪酷固是不赦羽皇從訴足見精明文中歷數其姦明
正其罪可為暴虐之戒

古文未曾有集卷六



仁和陳芳生漱六

全訂

仁和孫呂吉謙益

武林王甫白艸堂評選

岡州區瑞圖洛川重校

釋覺範

李德茂書城四友序

政和五年予自太原還南州過都下上元夕宿故人李德茂之
館德茂環積墳籍名曰書城日與筆硯紙墨為四友予曰公通
籍金闕名聞縉紳而取友乃止是乎德茂笑曰昔周公誅管蔡
張陳解劓頸吾未嘗不置卷長歎夫踈親利害雖大聖不能保

其親矧以衆人之器登功名之場而欲全交乎吾家濬之知之
故棲遲林麓圖梁鴻老萊子之像爲友太白婆婆江湖結明月
爲無情之遊吾以爲白失之論而渤失之誕也管城子吾益友
也直諒多聞每與之語娓娓不俗燕卿吾德友也氣清而骨輕
知白而守黑固膠漆之義重知見之香楮先生吾畏友也悃幅
無華見地明白吾見之未嘗不展盡底蘊石虛中吾端友也天
姿剛勁琢磨以成溫潤而有容知言而能默是四子從吾游神
交道契忘義忘年久矣子今乃見問何哉予曰蘇易簡常輔此
四人之賢爲文房四寶意其其好也德茂不名而友之宜乎同
居於書城之間無厭也諱書以爲序使士大夫知有友四君子
者自德茂始

以書爲城。過陸之巢。曹之倉矣。况日與四友。研求探索。不似
富貴子弟。裝演高閣。徒飾觀也。德茂居此。何假南面白城哉。

五友詩敘

薛瑄

余居沅州之憲署以地極僻遠罕得與名卿碩士相接恒懼有
 過不自知知而不能改或流於小人之歸也因取凡古聖賢書
 列之後堂公退則俯而觀仰而思往復熟誦以求其義或言行
 有未當則質之書以去其非而趨於是視書蓋若嚴師而不敢
 慢焉堂下有方池池側有竹梅蘭菊四種池中有荷蓮數白本
 合為五物列植上下更秀迭茂余每讀書覺倦則步廣庭臨清
 池顧諸花木而樂之既而自謂曰古之君子未有不資師友以
 成其德者今余亦既取古聖賢書以為師矣獨未得夫良友以

自輔焉念彼五物者皆稟天地之氣以生乃植物之君子也苟取其德以自輔豈非僻遠中之一助與故余之心或曲而未直塞而未通也則友竹之勁直中虛以端其曲而開其塞焉余之德或襍而未純同而諧俗也則友梅之清白絕俗以滌其垢而勵其介焉以至友荷蓮之中立以端余志友蘭菊之芬芳以潔余行是皆五物之有益於余者也若夫友竹之操可以閱歲寒友梅之味可以調鼎實友荷蓮之娟秀不妖可以發文藻友蘭菊之風致高閒可以安雅澹又皆五物之有益於余者焉或者疑曰人之取友賴其忠告之益耳彼五物雖有是美而實則無

知子或有過彼安能自以勸子乎余曰不然孔子曰知者樂水仁者樂山山水亦豈有知而能勵於人乎哉特取其動靜之性默有契於知仁耳余與此五物者儼然相對因此識彼方將去喋喋多言之煩希心領神會之妙兼取情采其德約而總之於心以輔余之不及又豈待發於聲見於詞而後喻耶遂與五物者序列拱揖結為良友而求正於書又為五詩以圖交云
又清五友友其德也非世俗之交也皆無文清之家者也有所以相契莫逆久而益恭然吾以為非文清五友雖日相交亦面從而已非心服也對之能無慚色

松侶詩序

鄭瑗

有士處南海之隅。僧城仙村之間。服古衣冠。風度拔俗。見世之
 夸毗。詭隨。媵。媵。軟。孰。者。輒唾去。羞與為羣。嘗陟高邱。而振衣抱
 清流。以濯足。喟然歎曰。孰能負直節。秉貞姿。挺拔特立。無所附
 麗。貫寒暑。而色不變。傲霜雪。而守不隨者乎。吾將與為侶焉。言
 方既有桃氏李氏二子來前曰。竊聞高誼之日久矣。願內交焉。
 士曰。此夫銜妖治以媚目。矜矜甘脆以悅吻。願者與依附。權門
 不言而成蹊者。與予與汝異狀。汝豈予之侶哉。其亟去。毋漫我。
 二子頽然相顧而退。有楊氏柳氏繼至曰。夫二子者。既不足以

望清光接後塵矣。僕雖涼薄願士也。無我鄙夷。士曰：此夫纖纖然如脂如韋，依然依然青眼而修眉，垂垂然華而不實，柔而弗支者耶？予與汝異趣。汝豈予之侶哉？二子亦顰眉遁去。俄有一丈夫儀觀亭然，鬚眉蒼然，頰蓋而至，自敘其闕曰：吾祖在秦，爵五大夫，在吳位十八公者也。吾支分甚遠，奕葉清風貞固而彊幹磊砢，而踈通吾有材，可以棟明堂，有聲可以中黃鍾，通四時而後彫，歷千歲而不改其容。士乃訢然而笑曰：予求夫貞姿直節，貫寒暑而傲霜雪者，子真是耶？予之侶舍之而誰與歸？於是丈夫遡風而歌曰：大道之周，吾誰與儔？兮！士兮！士兮！允吾之俦兮！士亦擊節而和曰：仙谿之許，吾誰與伍？兮！子兮！子兮！允吾之侶兮！二者遂相視而莫逆，期永世而勿諼。聞其風者，多倚聲而歌之。而士也不遠數千里，徵予序於江之東。士爲誰？陳其姓，端其名，謹之其字。丈夫蓋世之所謂松云。

侶取歲寒詩，必蒼古知其侶，可知其人。知其人，可知其詩矣。能不動人景仰。

政文苑四先生集

周鍾

周子病中坐而假寐有四人自稱先生叩門求見一一通姓名有曰陳公之裔有曰石氏之族有曰楷待制曰管城君陳故癯黑石氏厚重頗似漢絳侯楷則白皙而美體若不勝衣獨管氏銳首長喙喜爲高論遂前來圖舌曰若亦知予四人之功乎舉世無眼余輩爲之眼舉世無手余輩爲之手舉世無腹余輩爲之腹舉世無口余輩爲之口凡詩書禮樂帝王聖賢之名不見絕於天下者予四人之功也天下功之號爲先生周子欣然笑曰噫先生之號則可矣先生之志則不可先生殆能爲手而不

能爲口能爲目而不能爲腹者也管子翬然變色而起曰何謂也周子曰先生亦知夫劍之與舟乎劍能無翼而飛舟能不脛而走人爲之脛與翼也如先生之才能自爲書則不必入交通之夢吐子雲之鳳矣且先生能以著六經修禮樂爲功則亦當以作豔曲吐淫詞爲罪先生何乃語焉而不詳擇焉而不精也管子語塞顧視三先生楮待制遂前請曰愚聞食其功者當思其賜厚其賞者當寬其誅自惟先世竹氏有功文明馬班用之以佐漢韓柳因之以輔唐晉以清談而滅秦以燔焚而亡用舍之數治亂之畧如此其較著也且今之不能復爲葛晉也明矣

乃欲遠予之族竊恐女媧之石復破於上而予祖蒼頡之位於前也周子笑謂曰余非敢爲先生作逐客也先生不見若之族蓋爲人脚小兒曹所竊據乎是其爲人也多憎而少愛壽之久者猶不能以年計況其下焉者乎且也震木之權太盛離火之勢必張竊爲先生慮之楮待制未及應陳先生在旁不覺匿笑失聲詰其故乃抗聲謂曰余性貪婪愛待制之面輒欲上其額而爲眉遂不復顧工拙雖然余輩文士尙能武敢於朝曰治戎於君齋易旂幟改服色召穎司馬於中山徵絳都尉於管城高石君可使守城池剡溪侯可使供甲冑而予亦率松滋郡中片

水滸在集 卷六
騎以與君之士馬。感言畢，顧謂款人石侯，各攜手而去。余不覺
驚寤。適友人鍾玉鉉以其尊人所哀四先生集見視，遂書此歸
之。

鍾泰華嘗輯文苑四先生集四卷，立意甚奇，而介生爲之跋，
復借此發揮，不更奇乎？斯言何可廢也。

歲寒三友盟言

季蘭

秦嶽之陽，溪壑之側，岡阜之前，巖洞之所，泉甘而土肥，有三士
焉，偕隱於此。其一曰五大夫者，先世曾爲十八公，封於秦，爲大
夫，棄而不仕。其西有夜郎王之裔，曰此君者，與王子猷稱世交。
自渭徙淇，自淇徙此，子孫號繁衍焉。其南曰羅浮道人，昔居楊
與何遜，善遜死，亦卜居於此。三人者，居相近，聲相聞，晦明風雨
不相離也。一旦相會，曰：世無古道久矣，張陳隙，其末蕭朱凶，其
終朱公憤世而作絕交之文，劉峻惜昉而有續絕之論，今予三
人相視，莫逆。歲寒可卜，亦須質之於神，以堅終始焉。三人甚喜。

歸率子弟辟山之傍築雉壇焉。羅野卉以薦馨灑甘露以酹地。仰顧白日而詔之。因清風而稽首。五大夫年最長起執牛耳盟。曰惟茲泰山神威赫然。膚寸顯功。雲雨九天。七十二代登封。瘞璿惟神歆格。聽我虔虔。遇雖萍合。根株相連。道孚志合。偕隱斯巔。心如蘭臭。情同石堅。匪朝伊夕。相敬相憐。鶯鳴感心。伐木有筭。追踪古誼。遠企先賢。老夫主盟。暨同二十。羊左雷陳。誓偕生死。天地可變。我心不轉。日月可更。我心孔明。惟我老夫。曩在仕途。厭薄秦爵。棄官而遁。隱跡徂徠。終返舊廬。烟霞心。豫泉石神舒。矯矯自愛。不涅不淤。凌霄植幹。從壑揚裾。如此如虎。拏攫太

虛風。波震撼我目。徐徐作爲洪濤響。越山墟。欣我大弟蒼顏勁節。正直挺然。不邪不整。虛中崇謙。拔地表烈。惟此謙烈子孫。爪戩龍胎。錦祿參天。玉掣守其義方。咸正無缺。懿哉叔君。鐵幹可飲。冰姿何曲。古貌古心。寒巖縮蜩。沸井凝音。層冰崔峩。飛霰千尋。揚藻敷華。爾迺披襟吹芬。散谷幽人在林。味和鼎實。邦之宏琛。冥鴻高舉。逸於茲岑。予等三人。聯爲弟兄。超塵絕俗。不與世櫻。相彼桃李。天天發英。瞻厥榆柳。婀娜含情。我等守默。不與競榮。秋霜一颺。萬物萎黃。彌天朔雪。大地退藏。我等三子。其相堂堂。霜不能彫。雪不能殃。青青獨立。含苞吐芳。嘯傲雲表。偃仰山

元會集卷六
岡時窮節見德久彌光。回顧曩客妖豔無色葩。不可尋葉不可
識。伶仃憔悴委泥填。油媚骨趨。爾自作。慝庶幾吾儕。四時如
此。炎涼世態。罔識君子爭榮。目前恬不愧恥。惟我與爾中流之
砥。歲寒不渝。古今是矢。子子孫孫。仍我厥趾。雖千萬年。確然可
恃。峩峨岱宗。神其鑒只。

蕙生予之歲寒友也。有栢園集家貧不克授梓。壬子冬予有
是選。因往詢其文。有類此否。答曰無及。別後數日。忽投文數
首。并一札云。前承下問。因草此呈教。如可見錄。幸爲斧削。以
載。不期近日。竟中風不起。似有前知奇矣。予時每日往視。惟

代石言 有引

虞淳熙

靈竺名勝。惟九里松飛來石爲天下奇觀。向年松厄。道民曾
作謠以泣。轉移大老之意。既已易容。今此石災。道民欲存開
闢之峯。比救唐時之松。尤爲急切。故向旣垂涕而道。今可無
髮冲冠而談。不欲默一也。况貴人向頗有一日之雅。因我卜
鄰。因鄰禍石勢不容默二也。朋友之道。小過責善。大過痛言。
過而不改。是爲獨夫。若苟懷小惠之私。是坐視大惡之就。誼
不容默三也。良醫對治。有觸人之大怒而疾瘳。世之忌醫。有
痛割其贅。沈而痼愈。蓋不比桀紂非至諫不牽。猛索不回頭。

勸百諷一。改悔庶幾。情不容默。四也。山靈夜夜相泣。欲言而無其聲。寺僧隊隊石頑。能言而詞不達天。不容默五也。作代

石言

石告貴人曰。我石無口。口在世間。我石不言。言在天下。我石自盤古迄今。峙立此土。名曰飛來。蔭蔽郡城。阜安人物。富貴由我。鍾毓而致。科名由我。秀麗而崇。許由愛我。棲隱其間。惠理知予。加之美號。今蒙貴人見愛。爲寵實異。諸君以爲石乃公物。疊靈山之假。何妨取靈山之真。不知石是雲根。苟翦一片之雲。實奪一峯之秀。豈不聞玉在山而川媚。乃忍珠盡徙而龍亡。可憐去張目不言。千方治療之不獲傷哉。今蕙老墓有宿草。與三友結交久矣。其文始得問世。略見一斑。不覺感歎而附記之。

歲。以。至。今。朝。始。猶。搬。移。淨。石。今。則。空。掘。心。胸。始。言。分。景。列。排。今
則。勢。侔。良。嶽。今。雖。掘。土。幾。尋。後。必。開。坑。百。丈。始。雖。執。在。一。門。今
則。效。尤。接。踵。喊。聲。震。地。鎚。鑿。轟。山。鳩。衆。如。虎。而。如。雲。扛。插。似。戈
而。似。雨。金。聲。累。歲。敲。碎。道。民。之。心。搬。運。百。千。活。剝。寺。僧。之。肉。然
且。嫁。言。已。實。不。遣。而。暗。利。士。人。之。盜。來。又。復。笑。言。我。自。美。觀。寧
惜。賤。人。之。唾。罵。雄。心。惡。發。巧。語。誰。欺。雖。宋。世。開。花。石。之。綱。凶。不
若。是。元。亂。鑿。佛。身。之。血。惡。不。如。斯。一。寺。之。流。散。不。足。論。獨。不。念
會。滅。之。鍾。秀。乎。一。城。之。秀。氣。不。掛。意。獨。不。念。已。身。富。貴。之。由。來
乎。已。身。富。貴。欲。享。盡。獨。不。顧。朝。廷。之。香。火。當。存。乎。我。令。冷。泉。終

日湯湯相告而貴人若不聞我等衆峯終日點頭如求而貴人
若不見必至崩我身絕我脉而後已哀哉痛哉賴有道民如刀
之口尤忍言出而累以禍隨幸而道民似鐵之心誓願頭存而
與壁俱碎一言夕發萬里具聞定發公言將無清議倘然膚劍
如救頭然泣血謹告

飛來片石天巧玲瓏向遭楊璉毒手鑿破生面已爲可惜何
忍復至運夫爲園林壘石乎畏事者皆錮口結舌而得德園
代爲之言庶令雲根吐氣免受此劫功非淺矣

愁鬼言

劉基

歲次玄禡律中林鐘北山起雲南溟來風土潤溽暑蒸鬻驟而
爲虹岑峯先生獨處不憚筋嬾肉緩體倦志旣形神枯瘁精氣
消鑠頽乎岸塌澆爾冰泐口不能言心意迷惑眈眈泯泯若有
求而不得龍門子使賈生診之賈生曰異哉乎先生之疾病也
若陽非陽若陰非陰沒沒淫淫倏浮忽沉其來無蹤其去無迹
吐之不出下之不泄汗之不液針不能刺艾不能灼其在丹元
之宮爽靈之室乎龍門子怪而伺於其寢是夕也玄雲往來月
色黯黯淒風吹衣陰氣肅穆颯颯率恍若有物入自壁隙閃

閃。麗。麗。啼。啼。姨。姨。胖。胖。歛。歛。若。滅。而。沒。如。有。形。質。龍。門。子。使。保
兒。招。而。問。之。曰。女。何。祥。也。吳。蒼。賦。形。至。靈。維。人。游。魂。爲。變。歸。鬼
伸。神。女。其。神。耶。將。德。是。憑。筋。貌。血。食。福。善。禍。淫。正。直。聰。明。享。於
克。誠。胡。不。召。而。自。至。蹈。穢。囊。而。爽。德。馨。其。鬼。也。耶。形。氣。殊。途。幽
顯。異。致。女。身。安。屬。女。神。曷。寄。冥。乎。漠。乎。非。我。族。類。胡。爲。來。哉。吁
可。畏。乎。憮。於。人。也。於。是。其。物。蛟。蛟。而。前。踴。踴。而。卻。睢。肝。舔。舔。載
蹠。載。躡。啣。啣。嘆。喏。而。致。詞。曰。我。愁。鬼。也。生。於。昧。噴。之。野。而。長。於
鬱。厄。之。鄉。其。出。無。朋。其。動。無。常。其。去。無。方。饑。無。以。爲。食。渴。無。以
爲。漿。風。雨。颯。灑。無。以。爲。居。廬。霜。雪。凌。冽。無。以。爲。衣。裳。恒。噎。噎。以

儻。儻。惛。惛。惜。其。如。傷。或。乃。噫。氣。成。城。蠶。憂。爲。陣。當。之。者。蒙。蒙。中
之。者。暈。暈。巫。陽。見。而。哀。之。爲。我。請。於。上。帝。上。帝。惻。然。乃。詔。咎。繇。
審。厥。愆。中。命。巫。陽。賜。我。六。窮。之。符。使。游。人。間。帝。命。若。曰。惟。鬼。無
依。將。人。是。依。王。公。大。人。積。德。是。基。運。亨。福。宏。女。不。可。窺。猗。頓。陶
朱。大。屋。高。垣。徐。儀。守。門。女。不。可。干。達。人。大。觀。知。命。不。憂。與。女。異
志。女。不。可。投。赴。赴。武。夫。無。所。畏。懼。大。胆。如。瓜。見。女。必。怒。癩。癩。痞
疥。載。柔。載。纖。旖。旖。沾。黏。則。不。女。嫌。低。首。不。氣。如。膏。如。膩。啣。嗚。涕
泗。則。不。女。忌。女。往。自。擇。無。有。差。迕。旣。得。女。所。順。與。之。處。我。乃。再
拜。稽。首。受。命。以。還。聿。求。同。志。以。爲。依。歸。久。矣。未。能。得。也。聞。嘗。乘

子之虛入子之廬。歷相羣公。下逮僕夫。莫不笑語嬉嬉。步履舒舒。喜色著於眉宇。精神滿於身軀。諦所向之鑿柄。知不可以與俱。於是逡巡却立。曳足欲逝。微風入耳。忽聞罄欬。委霍呬。呻歎。緩慮帶。迫而視之。得一人焉。華髮半禿。發言遲滯。舉趾局趾。頽乎若將覆之。牆煥乎若不食之。鵠面蹙薰。孤膚彫槁。木憂容。不露瘳氣。可掬伺。而知其岑峯先生也。於是因彭矯以見先生於宵寐。先生果憐而收我。舍我於靈府之中。食我以丹田之瓊糜。飲我以華池之芳泉。方期與我出處。以終其天年。龍門子大驚。亟呼左右。挺劍擊之。其鬼黝然而消。乃命賈生發囊。傾瓢作大劑。以投之。岑先生汁然汗出。媅然而知。詰旦魂返。魄定。歸神。聚氣筋骨。挺立。不知沉疴之去體也。

謂大蓋高不可寄。謂地蓋厚不能埋。東阿之文。未曾釋乎。子之詩。亦難排青田先生。猶若是人生百歲。幾開懷。何如常把掃愁帚。痛飲不許此鬼來。

心問

阮鶚

某嘗問於心曰先生受命於帝分赤符宰我靈臺為百僚師表
 某居先生以太守覆以華蓋承以六府事以五官左右先後奉
 以百執事凡先生之有所欲也罔不惟命之恭人情靡不有初
 某十歲以前先生端拱靈臺深居太宇朝夕與某相游衍未嘗
 傾刻離十歲以後先生情漸改十九在內十一在外然未嘗別
 我遠去某弱冠時先生似耽經史出人恒相半每出輒千里矣
 其間也遂以日月計及某壯有室先生乃薄某出入不相告不
 惟某不知而乘輿已駕雖先生之有司亦莫知所之至於今則

曠某安宅而不居俾太宇生苔靈臺積塵六府不修其職五官各競其私而百執事則周隨先生以驅馳吏不復稟正於某矣夫某慚無德不足輕重且不能敬禮先生而爲之主也但先生受赤符以師表百僚今若此不知何以復帝者之命乎先生曰不然也予與公有夙緣公之敬禮予也至於久而不衰感公之情蓋生死而休戚者也不忍一日離公遠去而況久而不返哉但公家內有四靈外有五寇中有大豪二人爲之交通而六府五官百執事俱與之往來予受其侮久矣而公未之知予是以朝至一寇予逐之夕至一寇予逐之隨至隨逐席不暇暖使公

之宅無予以守之豈但生苔於太宇積塵於靈臺而已乎寇至而蠹起內夾外攻竊恐公將不知其所終矣予何爲薄公乎某始懼不能寢食乃請計於先生先生曰予昔謂公知某人或以彼爲佳客故不以相告恐拂公之情公果不知予請悉數其名爲公告四蠹善奔走亦善藏避恒伏我臺側長名意次名必次名圖次名我而五寇結之爲內應五寇多材能且善誘引恒俟候於五常之門一名聲二名色三名味四名臭五名安佚而四靈則結之爲外援內外相攻以竊公六府必主於大豪之家而後得以滿其欲然二豪亦與公夙緣公知之必愛之請勿問其

名某固請先生曰伯氏號功名仲氏號富貴也二豪同行知有人而不知有己者其兄乎反是者其弟乎公知之否乎曰去之先生曰去之不能也雖聖人亦不必使之去惟法以制之德以化之彼皆聽命於我矣惟我在人毋懼於是拂臺修宇奉先生於其內某再拜而謝之曰今而後得全其生皆先生之功也何以報之願先生躋上壽以永承帝者之休命由是遂復其初好內有所主則外物自不能搖在腔裏不出份是千古有心妙訣得其傳者何憂五冠四盡之豪乎

鼻對

方孝儒

方子病鼻。鼻塞不通。踞爐而坐。火燎其裳。裳既及膝。始覺而驚。引而視之。煜煜然紅蓋裳之火者半也。於是罵鼻曰。夫十二官各有主司。維鼻何司。別臭察微。臭之不察。何以鼻爲。今火帛之臭亦烈矣。而爾頑若不知。遽俾火毒燼裳及衣。塗蔽之禍。豈不大可悲乎。久之鼻忽有聲。聲與口同。曰。我受命爲子之鼻。今二十又二冬。聞薑椒桂其氣。甚芳。我聞我聞。子儼藏。穢猶腐。鮑風腥氣。惡我覺其穢。俾子避匿。子足不妄履。口不遇毒者。皆我之得職也。今子乃昧於治身。宜煖而寒。去袂就單。爲風所

加外鑠內鬱。壘我鼻管。遂至火燎切膚。而不知其然。皆予之過也。於鼻何罪焉。假使服食以節。起處有常。順陰變陽。無所敗傷。鼻寧有不聞馨香乎。且古之志士。至於耆老。猶且居不求適。維道是奮。奮大雪。戴肌而燼。不暇近。恐適意之致毒。知炎上之生災。不可不慎也。今子當始弱之時。有茶毒之禍。方當茹冰嚼雪。埤枕草坐。愁思怵迫。凍餓推挫。猶恐不可。而乃放不加思。恣肆頽惰。當祁寒時。遽自溺於火。為身計者。良已左矣。不此之責。而反謂我為何哉。夫壅蔽之禍。厥有攸白。秦亥蠱昏。趙高乃弑。彼梁偏任斯有。朱異隋廣淫。酬而世。基以肆。水不虛中。蠱何由萃。此三王者。苟以至公為嗜好。以衆庶為耳。鼻上宣下暢。無所凝滯。雖有姦邪何惡之迷。顧乃偏僻猜忌。執一遺二。以蕕為薰。椒蘭是棄。由是禍亂交興。宗覆社圯。今子不務自尤。而維鼻是訾。一身之理。且不達。況於政治也哉。方子仰而嗟俯而愧。屏火投燼。凝神養氣。既而鼻疾果愈。虛堅有知。定當破涕為笑。

筆對

張羽

班超歸自西域止於洛陽閉門養疾無所逢迎有一儒生銳首
 而長身款扉而投謁自稱故人門者辭曰君侯久勞於外精神
 消亡不樂於應接公卿大夫襍坐於門猶不得望見顏色安問
 故人生聞之驚然變色毛髮竦豎掛闥而入如脫兔顧謂超曰
 子當壯年微功速利馳至異域棄我如徙騰騰風雲一息萬里
 子固絕我矣而我未嘗與子絕也凡子之建功名享爵位耀於
 今而垂於後者我與有勞焉子不德我乃待我以不見乎超聞
 之瞿然而視且怒且疑與之坐而問曰子欺我哉縫掖之士淹

寂窮廬游術藝。咄吟典謨。研朱漬墨。估畢操觚。目厭百家。腕
脫六書。若史遷發憤於紀傳。伏生皓首於遺經。董子下帷而講
授。劉向閉閣而研精。相如托風於詞賦。揚雄覃思於法立。彼皆
收功於老死之際。成名於隔世之間。繁爲迂濶。往而不還。故爾
得以揚眉吐穎。含毫銳思。或呈材以效能。或摘藻而綺靡。爲幽
思於尺素。垂空言於百世。雖聖智之有餘諒。非爾而莫濟。僕誠
不能與吾子並。故逃爾而遠逝。於是要耨具之劍。擁灑特之旄。
左執鞭弭。右屬鞬橐。謝泓玄之流。招劇季之豪。望蒲類而北向。
踰流沙而西涉。鳴鏑伊吾之野。飲馬長城之窟。羈名王於轡組。

官舍蒙於鉄鉞。橫四校於龍堆。出九死於虎穴。但見千軍雲屯。
萬騎雷合。矢如慧流。戈如電雪。紛紛紜紜。天動地跂。知者爲之
思。勇者爲之怯。爾於是時。固已銷鋒斂跡。顛倒篋篋。聞鈺鼓而
魄。遁望羽旆。而膽。鱗。又豈能出一奇畫。一辭以相及哉。夫名不
可以虛得。功不可以幸取。勞之未圖。報於何有。在乃卓然起立。
進而言曰。吾聞大功無形。大利難名。仁人垂德於不報。志士地
勞而不爭。凡我之功。遠者大者。人所共知。不待覲縷。近在子身。
何獨未喻。子遊京師。困於逆旅。與我傭書。求直官府。握手終日。
未嘗厭汝。工爾字畫。順爾指使。成爾文章。通爾意志。仰事俯畜。

皆我是賴。及爲令史。掌書闈臺。晨八西出。必與爾偕。言無爾違。行無爾乖。夫何一巨絕。已固之交。結叵信之友。壞可成之功。造難就之計。含聖賢之業。操不祥之器。乘機蹈危。以徼一時之富貴。然我猶圖封管之勳。忍投地之恥。將全爾交。永卽昔棄。若乃戎車竟野。仗銳警師。文宮之修。我記爾辭。伍符尺籍。有所徵發。我傳爾信。應期而合。或移書而飛。文或安屯。而數實。或計功於幕府。或通訊於鄰國。凡此多端。匪吾弗克。爾在姑墨。上書乞兵。我寫爾心。卒獲所請。爾厭西土。情懷首邱。泣血騰章。實吾所慕。女弟陳詞。悲難激切。感動天子。實我所畫。旣而還旅窮荒。懸車

帝里微我之惠。何以及此。雖然此特其小者耳。若夫鋪張鴻休。潤色宏烈。紀之旅常。列之簡冊。使爾得以流英聲。騰茂實。光明顯融。千載而不滅者。其功豈易易哉。今子徒欲夸淺近之效。忘本源之義。是何異於始皇之踈頹。而平原之失遂也。超乃肝膽。失容意。欲有避生日未也。願安爾。聽少窮我臆。晉爾先君間關抵蜀。我在童髦。資其簡牘。遠爾兄。函父書。是續念我前功。復見齒錄。我乃竭其管見。投以寸心。道叶膠漆。利同斷金。相其戍書。蔚爲詞林。向使固不恆其德。背好忘故。改行易業。效尤於汝。則孰爲之綴辭。素翰以成其制度哉。且夫萬里封侯。立功異域。榮

則榮矣孰與夫論道屬書為世儒宗以闡父之績薄伐西戎恢
我土疆忠則忠矣孰與夫斷代作史勒成一家以佐漢之光向
使戎之人惑神巫之言悼斬死之恥獸心空躍徂詐焱起吾將
見爾膏身懸度之墟暴骨焉者之野生為囚俘死為夷鬼又安
敢望青柴乎故子常鄙我而不用我亦笑子身勤而事左勞大
而功細也超聞斯言俛首流汗揖客門外自悔不學卒以慚死
學書不成去而學劍一旦封侯竟忘故友超豈薄情者哉然
借此以為徒勇寡恩者戒耳超非其倫也

招野龍對

陸龜蒙

昔參龍氏求龍之嗜慾幸而中焉得二龍而飲食之龍之於人
固異類以其若已之性也席其官沼百川四溟之不足游甘其
飲食洪流大鯨之不足味施施然油油然愛之弗去一旦值野
龍奮然招之曰爾奚為者茫洋乎天地之間寒而蟄暑而升其
能有幾乎誠能從吾居而宴安乎野龍矯首而笑之曰爾何若
是之愚耶賦吾之形冠角而被鱗賦吾之德淵潛而天飛賦吾
之靈嘯雲而成風賦吾之蹤抑驕而澤枯觀乎無極之外息乎
大荒之墟窮端倪而盡變化其樂不至耶今爾苟容於蹄涔之

才會有身。一。免。一。言。一。間。惟。泥。沙。之。是。拘。惟。螭。螭。之。與。徒。牽。乎。嗜。好。以。希。飲。食。之。餘。是。同。吾。之。形。異。吾。之。樂。者。也。狎。其。人。啗。其。利。者。扼。其。喉。截。其。肉。可。以。立。待。吾。方。哀。而。援。之。以。手。又。何。誘。吾。於。陷。阱。耶。爾。不。免。矣。野。龍。行。未。幾。二。龍。果。爲。夏。后。氏。之。醢。

貪。餌。忘。身。愚。者。固。自。不。察。龍。爲。四。靈。之。一。而。亦。若。是。乎。可。痛。可。笑。

雀鷓對

張治道

太微子西園兀坐。見鷓逐雀。欲捕而食之。雀懼縮如蝟。投叢林中。鷓往回搏擊。雀自林中投下。鷓亦側身下擊之。得雀擒而未食。命左右捕鷓。並得之。擲雀地上。雀峻懼喘息。於是縛其鷓。責之曰。汝毒惡鳥也。雀何罪焉。而汝擊殺之。命左右撲殺鷓。鷓張喙瞪目。口不能言。而對之以意曰。天地以生物爲心。造化以陰陽爲權。氣有陰陽。則質有剛柔。質有剛柔。則性有善惡。善者弗論。惡者可言。鳥則鷹鷂鷓隼。獸則虎豹豺狼。皆以搏擊爲性。啖齧蓄心。我形雖微。厥類同性。性以役形。形以成性。自忘其毒。不

知其惡而子責我以死。而子惑矣。蓋上帝不仁賦我以性。生我以形。喙短而利。爪鉅而勾。目擘而疾。翮矯而健。有此數者。舍雀何加焉。捕雀而食。是蓋天性也。使我喙如鵝鴨。爪如鶴鶴。目如帝江。翼如翟雉。則將潛形隱性之不暇矣。又安能擊雀哉。今聽子言。將我拳其爪。閉其喙。斂其翼。瞑其目。見雀而避。則我將餓而死矣。子徒知雀無罪而遭噬。而不知我無罪而遭死。則我與雀何擇焉。且我食雀性也。日食三四雀而飽。飽則擇木而栖。以待饑。雀食蟲性也。日食幾萬蟲而猶吮牆。啄壁以尋。雖萬蟲不能飽。一饑亦負矣。而子憐之。則蟲與雀又何擇焉。子徒知

我食雀之爲毒。而不知雀食蟲之爲害。我類尙少。雀類惟多。天下不知幾萬雀。日食不知幾萬蟲也。子徒知一雀之可憐。而不知衆蟲之可惜。子徒知一鶴之可殺。而不知衆雀之尤可殺也。子能訴之上帝。變陰陽之權。奪剛柔之性。生蟲而不生雀。生雀而不生鶴。推而至於萬物。善者存。惡者除。擊者潛身而受擊者。安體俾天下之物。居于于各遂其生。各安其性。而不相賊害。其爲仁也。豈不大哉。子不能禁上帝之不生。而乃尤物類之相養。余故曰。子之心惑矣。太微子俯而思。仰而歎。鞭焉而笑。命解鷓之縛。而縱之去。鷓襄首而謝。昂然舉。飄然逝矣。

一家哭何如一路哭能推此念何患惡之不除

麴生辨

曾鶴齡

太和山人與麴生有肺腑親生姓米氏名醇卿字飲和別號醴泉其先本姓穀氏子孫世有醇德及麴生父贅於酒泉郡米氏遂以爲姓生性溫醇人有親之者輒心醉神怡一日與山人邂逅於流觴曲水間相見甚歡因納交焉山人喜得良友以心腹待之凡有不和於心者必就生斟酌生亦樂與山人交隨山人所喜而寒煖焉生恃山人愛時侮之山人不與較而待之益厚因屢受其中傷焉山人怒欲絕之生已覺乃從容問山人曰子欲謝我乎山人曰然生曰胡爲見絕山人曰我平生寡言慎語

而子輒誘我多言取憎失一我志在服軌循楷而子輒誘我妄
動致侮失二我以窮經著述爲業而子輒誘我妨廢時日失三
我肅衣冠以端此容止而子時使我露跣潦倒失四我稟質孱
弱不堪逞欲縱樂而子每引我連宵達曙沉酣痛飲浸以致疾
錄神消元增其癯瘠失五卽此五失足以絕子生乃笑曰何山
人之不自咎顧爲此釀禍於人耶凡此五者公實自取我與君
無涓滴非也請以我之事君者言之我嘗見山人幽居寂寥焚
炷自處當此之際舉目無親能少我乎山人曰不能又曰我嘗
見山人紛羅拂鬱悶結寸中當此之際欲破愁襟能少我乎山

人曰不能又曰我嘗見山人勞精疲形觸傷筋骨當此之際欲
和調血脉能少我乎山人曰不能又曰我嘗見山人抱病患疾
胸腹閉塞當此之際欲導滌沉滯能少我乎山人曰不能又曰
不寧唯是至於良辰美景賞心樂事名花弄媚皓魄呈輝賓朋
滿座絲竹盈耳或赴雲雨之期或際風雲之會豪氣凌霄壯懷
蓋世當此之際欲怡情寄興能少我乎山人曰不能生曰山人
不能少我明矣而顧欲謝絕之何量之不安也子能溫爾言醇
爾行和爾容陶於業而鬯其神失自免矣何徒咎予哉子欲絕
我是蹈獨醒之遺弊也我當謝君去君何絕我爲山人聞其言

未嘗有集 卷一
三
蹙然曰非子言幾負吾肝膈友也乃延之上坐相與勸酬飲其
和而醺焉意味深長油然而忘莫逆如故

葉法善嘗與客共坐思酒不可得忽有一人傲睨直入稱翹
秀才揖坐抗論法善曰此子突入詞辨如此豈非魃魅爲惑
耶乃以小劍擊之應手而墜化爲一瓶醲醒其味甚佳曰麴
生風味不可忘也予觀此辨醲藉深醇山人自應心醉

補柳下惠三黜說

李清

昔魯之將季三家擅命然以士師爲爪牙吏非其親暱不授是
職授者可奴隸使也每三家片紙到則沐手擎頂一若奉尺一
之君令於上而曰臣敢不奉詔者於是一時士師皆有有肉無
骨之謂適孔子攝行相事乃特舉柳下惠爲士師其初視事也
卽首勝二語於門曰舍狐狸問豺狼或曰此專爲三家發也於
是三家諸黨羽皆悚息不敢正步曰畏柳士師且一時桀黠小
民又微窺士師風旨而專持權門短長以蜂起公庭三家怒矣
忽一日召同黨謀之野曰柳下惠爲我害奈何有彈者吾等之

金時公伯察脅肩諂笑欣然以彈文獻問指何為詞則指袒裼裸裎為詞謂士師所以整法也官森肅而偶放誕是教侮也請黜之便魯君猶豫三家執奏於是惠一黜則有為辨者曰夫和以居鄉肅以居官何害三家曰一黜而懼未可知也姑復之然惠執法如故無幾何三家復集同類謀之朝曰柳下惠仍為吾害奈何有彈者吾進之官時叔孫武叔願指氣使躍然以彈文進問執何為詞則執伊弟盜跖為詞謂士師所以嚴盜也弟干禁而兄持權是翼惡也請黜之便魯君狐疑三家固爭於是惠二黜則又有為辨者曰夫兄兄弟弟罪不相及何害三家曰再黜而悔未可知也姑復之然惠執法又如故時三家愠焉謂柳下惠終為吾害夫坐以袒裼裸裎薄愆耳牽以盜跖嫁禍耳莫若誣以曖昧重罪使自辨與代辨俱窮者何計處此時家臣陽虎鼓掌獻計曰請以坐懷一事為罪今約舉其彈文則有云夫士師將以禁淫也乃以暮夜往投之女不閉戶而坐懷無乃淫亦莫須有乎聞是女先已許夫自坐懷事發其夫遂棄不取請永黜之便斯時也三家以重怨積怒持說甚堅而蔽賢媚惡之臧文仲輩復從旁證成於是魯君黜勉下令曰柳下惠淫夫也其永不復用噫此一事也其說暮夜其人女子即自辨代辨俱

以事屬曖昧終難置喙則柳下惠之三黜將禁錮終身矣或曰
子未可以去乎曰直道而事人焉往而不三黜枉道而事人何
必去父母之邦

柳下三黜不知原屬何事然妨賢病國者何患無辭李子戲
補此說正爲有屈難伸者痛之耳

設毛延壽自解語

程晏

帝見王嬙美召毛延壽責之曰卿欺我之甚也延壽曰臣以爲
宮中美者可以亂人之國臣欲宮中之美者遷於胡庭是臣使
亂國之物不逞於漢而移於胡也昔閔天獻美女於紂而免西
伯齊遺女樂於魯而孔子行秦遺女樂於戎而間由余是豈曰
選其惡者遺之美者留之耶陛下以爲美者是能亂陛下之德
也臣欲去之將靜我而亂彼陛下不以爲美者是不能亂我之
德安能亂彼謀哉臣聞太上無亂其次去亂其次遷亂今國家
不能無亂陛下不能去亂臣爲陛下遷亂耳惡可以爲美爲彼

得乎帝不能省。君子曰：壽良畫工也，孰誣其貨哉？凡物之美者，必有不美者在其昭陽禍水之謂乎？王嬙未必至此，蓋以其青塚一節決之耳。然因是博得芳名千古，正其幸也。又何足惜？程子設為此解，其立萬世人君好色之防哉。

魏欣交語

毛先舒

東岡之魏與西山之欣交於狃，更勞苦。欣語魏曰：吾苦虎，數攫吾類，草豐不及避也。其及避者，幸虎之遂行，弗顧耳。子其如何？魏曰：吾苦獵，欣曰：虎與我共山也。值之亡時，故殺殘多。獵間出耳窟，深可以完也。而何畏？魏蹙頰曰：不然，虎獸而徑，獵人而機為陷，為藥為弩為括，窮幽極隱，深入隧谷，狡犬嗥前，密網遮後，或驅其左，或焚其右，捷不及犇，智不及慮，是亡出入而嘗與數十百虎遇也。莫懼於是，而將奚恃以完？吾之窟，欣曰：然則子視西山樂土矣。曷不盡子之族而徙以來？魏忻然諾，歸呼其族而

隨欣往道遇虎族恐欲還。颯怒曰叱前何避汝獨不記夫獵者乎且吾與其值人機毋寧值虎。

與柳州捕蛇者說同一警世而句調適勁過之。

禁蛙篇

張明彌

琴張子讀書尺木之齋有池焉葭菼蒲稗之所羅生也蛙黽聚族而居之每日匿月朏鳥息獸戢琴張方將與靜者之朋談空。發玄而羣蛙閣閣終夜不息客有能歌與為洞簫之聲者發於池上羣蛙聞之跳躍踰相與怒其聲而灌之歌者以罷琴張曰毒矣此鬼車之響也法朗有呪吾將往而學焉一客曰集漁師剔葭葦伐苻藻數層細網撈漉而去之一客曰吾聞諸周禮蠲氏焚牡鞠以其灰灑之可以盡死有頃客退琴張倨牀欲臥有一矮叟衣青而白其裳睥目瞞腹昂頰聳膝盛氣而前揖琴

張而言曰君輩何不與於蛙之甚也願請其咎琴張曰唯若奚
咎吾憎其聒也矮叟曰君誤矣夫蛙者含氣蘊怒不得已而鳴
焉者也昔者西國有彌大王生而驢其耳國人莫知凡有見則
必殺之殺衆而心惻告後見者曰若無語其人鐫腕誓不言歷
載抱憶腹爲大腫瀕死乃之野穴地作坎細聲而言之曰彌大
王驢其耳言出而腹消乃坎生怪竹人取爲管發聲輒云彌大
王驢其耳是則含氣之倫決不可以悶悶則有河豚之疾觸橋
柱而磔其腹矣且夫天地有籟萬物有竅竅滅籟絕天地乃啞
而儒者乃盛以其言聞試登子案而繙之盈章累帙委筭溢廂
靜而聽之皆古聖賢嘵嘵絮絮飛文浮聲至今不歇而獨以咎
蛙吾蛙雖不腆然亦憑軾於越王投金於燕太子治兵會戰於
元鼎而瞋目驕穉乎東海之鼈今見法刑不信大化爲虎而一
世之士萎嗟咋舌腐腸懣胸而不敢穴地作坎出一細聲於天
下故敢貸君之池發憤羣鳴以自喻快志謂君能聽對臆之辭
傾積憂之酒而過督如此君豈囁喘翁之友耶何不與於蛙之
甚也琴張子默然有間眊叟而言曰叟何來誠天下有口辨士
雖然今以天下之大啞啞無聲卽然紙刺鼻而不能一歎則若
者以其哇哇哈哈盆氣醜詞耗神而墮事以積而有之而若且

日吾發聲而長鳴。往者有斑額之虎。遊於南林。戢然未爲哮吼。也。有一蕙夫。徒子遇之。則逐而大譟之。南林之下。蟋蟀蚯蚓。無敢作聲焉。使其不聘。若蛙之氣。亦何慘毒。人至此哉。而不聞之。易賤辭多。詩鄙先言。書戒善論。老有數窮之戒。孔有不怍之箴。星有卷石之形。人有緘口之銘。故公孫龍誇談白馬。見詘孔穿。鄧析馳辨。同異受誅。國僑灌夫。罵坐灑血。漢廷息夫。躬歷詆公。卿銜刀東市。甘陵橫議。駢首就逮。西晉清談。寇氛雲擾。比皆不候。時投機而辯。然以其舌鳴之效也。故曰。口可食。不可言。多言之孽。慘於楚鐵。今爾蛙居。無蛛蟹之衛。行無螳斧之利。任無蝸

肩之力。及足滅願。不離培井。翹足濶步。未出溷淖。虛名土鴨。浪號水雞。混鼓吹而無節。攪笙竽而失音。而欲首犯獍虎之爪。以洩驢耳之腹。斯以難矣。而若必謂。莫私發憤。自喻快志。則何不化而爲鶴。出九天之聲。化而爲孔雀。應彈指之節。化而爲鸚鵡。代守宮之女。何不化爲布穀。用急農務。化爲促織。以勤女紅。而徒激聒泥土之中。以敗人意。猝然而遇。青草之蛇。蹙項受噉。如羊豕就屠。無能作氣。若者。一生爲王。再生爲蠖。三生爲蛙。四生則爲寒蟬。五生爲叩頭蟲。六生則還復爲澗底之沙。夫蛙者。澗沙也。澗底之沙。萬日若一。豈不疾耶。而敢挾其咫尺之辯。以混

長者吾輩其何能釋於漁師。蠲氏之言乎。語未畢。矮叟腆然失色。忽然頽首。四顧壁隙無可隱跡。乃反背而投於池中。越明目有大蛙腹如箕。螻蛄蚪蚪萬億從之。穿林渡徑而去。蓋自後張之宮無鳴蛙焉。

費三寸唇舌。敲兩部鼓。吹琴張子。可稱善謔。

羽族通譜

來集之

昔者羽人氏之王天下也。混沌既剖。玄黃遂分。卵翼生全。總歸造化。有秦鵠。鵠聲如丈夫。鸚鵡聲如女兒。而鸚鵡亦翦舌以通人言。此語言文字之始也。有巢氏之後。丹山有羽皇氏者。出生有聖德。眉生八彩。飛而在天。衆族從之所居。成邑成都。衆遂立而尊之。以統羽族。鵠立鴻漸。鷺立鴛班。六官咸備。是爲元鳳元年。時洛水泛濫。百川未有所歸。乃命鸚鵡勅水。鵠鵠淘河。精衛啣西山木石以填。東海然後人得平土而居之。顧猶上爲巢而下營窟也。取諸大壯。以興宮室之制。咨爾鵠。能知吉凶。辨太歲。

才曾存身 卷一
之方向擇日舉工千門萬戶慘淡經營咨爾鳴爾本殷帝之貴
有巧思肯構肯堂塗墍泥飾煥然一葺於是雞司晨鷓鳴求明
教之勤也俾勿壞也民猶艱食鮮食爰詔布穀催耕戴勝降桑
以課蠶事蒸民乃粒而集翠之裘聚鷓之冠寫隼於旗旗繪鷓
於樓船華蟲飾其衣裳鳴鸞和其車輦鷓文在身鷓文在綬彬
彬乎日趨於文明矣衣食之計既備禮義之教聿興當其時君
臣之分久明乃教以人倫鷓鳴在陰父子有親鷓鷓在梁夫婦
有別鷓鷓在原長幼有序鷓其鳴矣朋友有信有五臣焉曰鷓
曰鷓曰鷓曰鷓皆明目張胆肅清皇路蓋自北溟至於南
溟不知幾千萬里上自天池鷓首之位下及海外委羽之山莫
不霑被德化雖鷓南徙而六月鷓一舉而千里德音所及迅疾
有加肇興文教令天下明經者上公車與計臣偕有鷓鷓子者
其先以營室起家世爲司空以明於春秋起而應詔又有隨陽
子者世授鴻臚亦以明於春秋待詔金馬門鷓鷓以巧捷善解
人意雖對當筵之酒翦春風之幕依依媚人人莫不憐而愛之
隨陽子心懷忠赤非偶不匹有愛日之誠又工書法篆籀八分
整整斜斜成行布列當其意得雖潑雲作墨裂天爲幅不足供
其揮灑也忠懷不已時復以哀哀流民之情大聲上奏嘗上疏

曰蓋聞關雎之德宜配君子而陛下何以遨翔四海求凰不得也且鵠之猛毅不可以奮武衛乎翟之繡胸不可以敷文教乎抑慈烏反哺孝行可嘉鷦鷯一枝高尙其事而旌賞無加蒲輪未發今反舌有聲佞人在側致漸磐者無術行之安漸達者鮮羽儀之用竊恐雨晴有逐婦之鳩化倚有御子之鷓鴣而子規有血空蹄桑扈無心載好矣書奏上益厭聽焉蓋羽皇氏能自歌自舞及是愛聽金衣公子翻調玉樹後庭花之曲而飛燕能掌上之舞鸞能對鏡之舞鸚鵡能八風之舞孔雀能聞人拍手之舞上遂留連夜以繼日常與鷓鴣比翼而愛畫眉之修蛾如

巧婦之猥捷游波天女之輕揚夜行遊女之淫蕩飛奴之賤種姑惡之悍妬皆貫魚以進嗣後神意稍疲益留意輕舉羽化之術有白鶴山人者曉任督二脉習火七水九之數光發於頂赤如丹砂長嘯九臯聲徹於天上頗傾心向之雖鳩與鸛之禹步駕之書符鸞與同力之占晴雨皆以方術見幸而信天翁白頭翁屢召問焉元鳳之風於斯爲下迄春秋而有歌鳳德之衰者云

野史氏曰羽人氏之散見他邦者不可勝紀其先望帝杜宇以禪讓稱師尙父鷹揚以征伐著若烏衣國回鷓鴣國烏孫國皆其

辭令之修獻捷有露布之草奏凱有鼓吹之謳銘或勒燕然之石功已紀太常之旂斯時也吾輩甘心下氣於先生者正將以博華軒於鞍馬取貂蟬於兜鍪借吹噓之力而徒步公侯也而茲者朝釁中軍之鼓暮走穹廬之酋狼烽熄燄於斥堠羽書絕跡於置郵先生當此亦可以見幾而作長往而不留矣方且游心倡和肆意應酬晴日眩龍蛇之擾擾夜堂聞風雨之颼颼然不過寫邊陲之光景述羈旅之窮愁而已吾實為先生羞也穎若曰有是哉言之謬也蹄涔曷足以議滄海蠅垤何足以知山邱然而無響不應無言不讐吾嘗見兩兵之相接也矢石紛紜

鉦鼓喧咻爾乃假威於戈戟乘勢於戈矛鼓掌匹夫之勇攘臂萬人之稠或幸而截智伯之飲器血子胥之髑髏則自以為人莫已侔矣及其班師振旅歸馬放牛睹干羽之既舞隨弓矢而同收鋒歛它山之石光黯鷓鴣之油閉武庫以長夜鏞鞞鞞而孰抽時則補履不如兩錢之錐懸餌不如一針之鉤利民用孰與大匠之斤斧厚民生孰與老農之鋤耰而吾乃惟文是附惟藝是游出入廊廟瞻依冕旒作丹書鍊券之誓資金置石室之紬評往事則定褒貶於千古達王言則渙綸綍於九州祝史仰之無愧辭於郊廟諸侯賴我修覲禮於春秋在銓衡則草薦章

而野無遺士在廷尉則具爰書而獄無滯囚計錢穀也致出納
之當紀將作也明僭功之鳩墨客摛詞或傷今而思古鴻儒折
理或微顯而闡幽百官庶府凡仗我食於官者我其良疇也是
則摩頂以博一心之愛拔毛以利天下之求體無不具用無不
周下以經權乎民用上以黼黻乎皇猷蓋無時而可棄亦無事
而弗由誠非若章甫之無用於閩越七首之不售於魯鄒也若
爾一日柄用則逢人喜怒與世沉浮或削觚以爲圓或舍剛而
破柔比干披聖人之竅張禹戴佞臣之頭忠邪以之而倒置賞
罰以之而謬悠是誠濁亂之利器太平之贅疣也會足以擬吾
之萬一否乎金鏐於是吹清風而無語望中流而自投詭世人
以龍化誤愚夫之刻舟
創業之初毛不如金守成之日金不如毛然毛能紀武功而
金不能兼文治金原遜毛一等鏐宜辭窮於穎哉

錢言

支華平

華平支先生曉起憑欄濯纓清沼俄見遺錢周郭肉好文曰開
 通字曰元寶水蝕沙饜色澤晶晶先生曰太虛無滓我心則夷
 曾是阿堵而乃來斯少選錢形漸隱化而為人伸臆鼓脣長揖
 而呻曰我上清元君也先生弗察過而辱之敢以意宣我族墓
 貴我亂寶蕃軒貨惟百虞品有三夏陞洪水鑄彼歷山湯繼赤
 地莊山是劉姬關泉府宋易纏環文德一甲淮南青蟬夢之者
 侈青衣之號聚之者擅王老之談我為世用與天地參先生弗
 察而漫爾譖譖支先生曰汝侈其貴我嗟其穢汝炫其族我畏

其黷瓦擲寧歆囊空少陵和嶠昵汝而成痼癖蕭宏軌汝而獲
愚名曾是阿堵而溷先生上清元君曰先生之言亦已太甚基
毋等我於乾坤魯褒讚我爲通神在昔上古代爲世珍中古多
營我遂役人司馬弗綱兄兮我親逮茲叔季爲亨爲屯三槐九
棘儼若神明絕我素情於醑醢迥然目朗而心澄高牙大齋氣
淡熏天絕我苞苴以將事不與之顧指而周旋試闡扁鑄崇深
截辟鳥飛不下鼠噬無穴我無逗遛高才乃揭銓司體裁錚錚
烈烈政典昭回孤稜截鐵暮夜謝投美臚難發爰書顯附三尺
象懸惡我利真鋼而繞指自方枘之不負白簡皂囊筆底風霜

揚眉吐氣如鳳鳴陽卽我撓之不挫其鋒兩窟齊聲割於世講
升沈倏移盟言反掌繩樞下品暴致千斤仰扳名閥姻連晉秦
勿頸締交椎牛軟血情隔富貧覩面吳越累世忿爭貧者之讐
稍沾濡沫義洽分投襖襪暑雨胼胝所寒晨興夜寐僅給饔餐
堅銳彌眷奮勇無前匪固輕生俘馘是先倚門之豔強笑追歡
盡隳帷薄以冀錦纏青衿啞啞口吟日披饑吻替替覩潤膏脂
揮塵清談坐析名理杖頭一陌衷言响响持鉢通衢顛父呼天
殘齒餘瀝謂生可捐腋懸銀艾手握鋼符焦喉灼舌敲朴追呼
鐵面冷顏幾軒朱轂防我甚嚴法容可掬王侯貴士放諸四知

不我低昂。惟自軒輊。先生執獨行之小廉。輕擅國之大權。泥豎
儒之陳言。昧涉世之真詮。何見之偏。何量之悞。支先生曰。汝謂
通神。我謂罪首。舉世混濁。誰執其咎。風靡景從。莫可誨諭。吾將
手箋衆醜。告諸上帝。俾麗水不波。黃頰永闕。委赤灰於劫塵。殪
飛屑於翡翠。大返饑食飽棄之淳風。永無藉於若輩。行見貪夫
袖手守虜。消魂達人曠視。介士還真。目分蒼素。鼻別齷董。汝亦
安能干帝者之命。而泯泯棼棼。以禍斯民。上清元君。乃柏掌揪
髯而笑曰。有是哉。先生之迂也。上帝有命。畀以國柄。六宗效靈。
山川助順。先生建議及我。卽有舌如蘇。張懸如汲。鄭且重。既而

不前。膠口而莫騁也。先生且休矣。我視先生。良用爲慙。踽踽涼
涼。其何能淑。蠹魚是侶。鳥跡是復。手之所握。三寸枯竹。口之所
吐。千古糟粕。以若所爲。而企我之轂。殆沉淵而索鹿也。去我方
遠矣。我之譴先生。蹶然曰。人有真宰。士敦雅誼。汝聚耶。匪予之
欣。汝散耶。奚繇而惶。如汝所陳。皇皇而求利者。奚啻夸父之逐
日。剖腹而珍藏。俄邁大盜。發篋擔囊。或禮愆子。飲博淫荒。或
溺而火燹。或飢法而飛殃。分五家以共耗。亶多藏而厚亡。蓋貪
取者有掠剽之使。踰分者。遇窮幅之吏。此尼父所爲歎息乎。執
鞭而爛戒於飲器。我性甚拙。我術甚劣。不滿而撲。左挹右泄。分

定故也。我心自慨。在昔少年。尚不汝須。今雖邊鏐。鉞銑麟趾。曩
蹄北斗。齊高鄧鳩。均精先言。老矣無所用之。上清元君。乃促邾
附耳。直吐底裏。曰。毋謂既老。百營都息。方有時政。需我甚急。昔
者都邑。右文志在。傳術得我者。自璧賁於黃壤。失我者。夷魂化
爲跖魄。厥有狡夫。生前恣。洪賴我居。聞名揚簡。帙亦有愿士。好
修自飭。我不彼與。沉淪下。隰南媛。秉貞苦。槩清冰。匪我爲介。飲
恨九京。惟彼河間。垢聞傾城。屬有瓜葛。族望雲初。要以死後。貞
烈擅聲。一郎妬痴。糟糠屢屨。一朝身貴。棄之若遺。新聯佳麗。鼓
瑟齊眉。險側如茲。邑里所強。彼素契我。義去首垂。陵凹谷凸。真

消。賈易錯。沓紛拿。孰知紀律。昔詭生人。今途死。擗昔鬻冠裳。今
質枯骨。昔亂朝。常今述草澤。力竟徹於重泉。勢直傾於冥極。我
神一至於斯。而先生敢於擯斥。支先生曰。詩云。我躬不閱。皇恤
我後。今吾之生。尙以形骸爲委。寓芬麗爲桔槔。甘貧賤以如飴。
撫烟霞而嘔噓。矧伊身後。又焉知天地之盈虛。陰陽之消息。誰
毀誰譽。何伸何屈。上清元君。縮聞太息。逡巡辟易。俛而沉思。詎
然自失。曰。有是哉。先生之迂也。而終不我易。
微辭婉諷。不惡而嚴。較魯褒所論。似爲過之。

